

陸宣公集二



唐陸宣公翰苑集卷第三

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

貞元九年冬至大禮大赦制

唐書德宗紀貞元九年十一月癸未朝獻

於太清宮甲申朝享於太廟乙酉有事於南郊
大赦文獻通考德宗在位二十六年親祀南郊

四建中元年正月五日貞元元年十一月十一日
一日六年十一月八日九年十一月十日

門下朕以寡德屬當大統皇天眷祐俾主兆人懼不克
承夙夜祇畏緬懷先烈致於昇平予心浩然固知攸濟
小大之務曷嘗不勤芻蕘之言亦莫不敬慮每存於致
理志常在於恤人中宵屢興終食累歎一事乖張怒焉
疚懷一夫罹殃惻若傷體思與海內同臻太和易保合太和
息其生業降心從衆實匪有辭克己利人誠無所恹然
以視聽有極思慮難周况乎長自深宮安於近習損益
之理寧免過差一幽遠之情固多未達山是兢兢砥礪悔

往脩來燭理所患於不明推心庶幾於無負日慎一日

於今卅有五年矣上靈降鑒詩商頌天命降監箋降下也多士叶誠

五稼屢豐書土爰稼稽疏種穀曰稼若嫁女之有所生周禮天官疾醫以五味五穀五藥養其病注

麻黍稷麥豆又夏官職方氏豫州其穀宜五種注黍稷菽麥稻四鄙不擾方鎮輯睦干

戈辰寧邊壘繕完殊方欵附協天地會昌之運蜀都賦天帝運

期而會昌景福祭蠶而興作實宗社無疆之休慶既荷於元功禮有

昭於大報禮記郊之祭也迎長日之至也大報天而主日也矧惟霜露之感永

切孝思禮記霜露既降君子履之必有悽愴之心非其寒之謂也春雨雨露既濡君子履之必有休惕之

心如將見之禋燎之儀每勤精意綱目集覽燎力名反馬融曰祭時積柴加牲其上而

燎之先祭于位告于天也將甲誠敬其在躬親是與公卿大夫虔奉

犧牲書微子傳色純曰犧牛羊豕曰牲唐書禮樂志昊天上帝蒼犢五方帝方色犢大明青犢夜明白犢

神州地祇黑犢配帝之犢天以蒼地以黃神州以黑皆一圭璧周禮春官宗伯以蒼璧禮天注禮神者必

豕其類瑩圓象天又典瑞職四圭有邸以祀天旅上帝鄭司農注於中央為瑩圭著其四面一玉俱成唐書禮

樂志冬至祀昊天上帝以蒼璧上辛明堂以四圭有邸又云正月上辛按大宗伯職蒼璧禮天鄭注此禮天以

冬至疏云是冬至祭天圜工者典瑞職四圭有邸以祀天鄭注祀天夏正郊天也又鄭注郊特牲云易說曰三

王之郊一用夏正夏正建寅之月也然則唐之祀天一本周禮周禮祀天二王鄭注分明如此後人猶惑焉則

取唐書禮樂志此條還以相證可也又唐人正月上辛祀天本郊特牲周之始郊日用辛文也陳其文

物薦其馨香類秩於泰壇禮記燔柴于泰壇祭天也陳氏禮書曰泰壇南郊之壇也

禮記燔柴于泰壇祭天也陳氏禮書曰泰壇南郊之壇也

以之燔柴泰折北郊之坎也。以之瘞理言壇則知泰折之爲坎。言折則知泰壇之爲園。言泰則大之至也。言壇折則人朝享於清廟。周禮春官司尊彝職凡四時之間爲之也。朝享於清廟。祀迨享朝享鄭注朝享謂朝受政於廟春秋傳曰閏月不告朔猶朝於廟。率職來助萬邦攸同備物致嚴百

禮具舉誠慕獲展神人允諧明發永懷。詩明發不寐有懷二人慶

感斯集純嘏所錫。詩純嘏爾常矣箋子福曰嘏豈惟朕躬思俾普天

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辨對者亦並放免官人犯入已賊不可令其却上已後

勿以爲累左降官及流人並量移近處其官已經量移

未復資者還其階爵竄謫遐裔冀速沾恩此者准制量

移所司比例申牒屢加盤覆累涉歲年既甚淹遲且不

均一宜令吏部刑部唐書百官志刑部尚書一人正三品侍郎一人正四品下掌律令刑

法徒隸按覆讞禁之政其屬有四一日刑部二曰都官三曰比部四曰司門審勘檢本流貶

及量移勅旨比類元犯事狀輕重兩月內與處分外文

武見任及致仕家居并諸軍諸使將士等三品已上賜

爵一級四品已下加一階應百姓自置義倉仍准貞元

元年十一月十一日制處分立人之道惟孝與忠孝莫

大於榮親忠莫先於竭節惟爾師長卿校泊乎方嶽列

藩保又皇家交脩庶績竭節之效既昭乃誠榮親之恩

宜洽國典內外文武清望職事官并節度觀察都防禦

都團練經略等使

唐書百官志武德初邊要之地置總管以統軍加號使持節蓋漢刺史之

任七年改總管曰都督總十州者為大都督貞觀二年去大字其后都督加使持節則為將諸將亦通以都督稱唯朔方猶稱大總管邊州別置經畧使文獻通考唐貞觀二年邊州別置經畧使此蓋使名之起節度兼文度營田招討經畧使則有副使判官各一人儀鳳二年以黑齒常之為河源軍經畧大使永淳元年婁師德為河源軍經畧副使至德三年賀蘭進明除嶺南五府經畧兼節度使建中元年除元琇節度始不合五府經畧

父在未有官量授檢校五品官母在未有邑號者各封

邑號父母亡沒者量與追贈已經追贈者更與改贈佐

這之臣納忠之輔功既存於社稷慶宐及於子孫故周

錫田土漢傳帶礪

史記高祖功臣侯年表序封爵之誓曰使河如帶泰山若礪國以永寧爰

及苗裔注帶衣帶也厲砥石也河當何時如帶礪國乃絕耳疇其爵邑

與國終始以明報德之恩勸為臣之節其或年代未遠

利澤猶存祠宇已變於荒墟亂嗣不編於仕籍思其人

猶愛其樹

左傳詩云蔽芾甘棠勿翦勿伐召伯所茇思其人猶愛其樹况用其道而不恤其人乎

况奠享乏主而不加省錄者乎興滅國繼絕代所以禮

先賢也脩宗廟敬祀事所以教追孝也化俗歸厚此其

大端應九廟配享功臣

通典盤庚云茲予大享於先王爾祖其從與享之周制夏官司

勳掌六鄉賞地之法以等其功王功曰勳國功曰功民
功曰庸事功曰勞理功曰力戰功曰多凡有功者銘書
於王之太常祭於大丞司勳詔之大功司勳藏其貳漢
制祭功臣於庭魏高堂隆議曰功臣配食於先王象生
時侍讌讌禮大夫以上皆升堂以下則位於庭議者欲
從漢氏祭之於庭此爲貶損非寵異之謂也周志曰勇
則害上不登於明堂其用謂之勇言有勇而無義死不
登堂而配食此卽配食之義位在明堂之明審也下爲
北面三公朝立之位耳讌則脫屣升堂不在庭也唐貞
觀十六年有司言禮功臣配享於朝庭禘享則不配依
令禘祫之日功臣并得配享集禮官學士等議禘及時
享功臣皆不應享故周禮六功之官皆配大丞而已先
儒皆以大丞爲祫竊以五年再殷合諸天道之大小小
則人臣不與大則兼及有功禮禘無配功臣誠不可易
從之又通典載開元禮享日未明一刻大廟令布功臣
神座於太廟之庭諸座各設版於座首其版文各具題
官爵姓名文獻通考高祖廟六人淮安靖王神通河間
元王孝恭殷開山劉政會裴寂劉文靖太宗廟七人房

元齡高士廉屈突通魏徵長孫無忌李靖杜如晦高宗廟六人李勣張行成馬周褚遂良高季輔劉仁軌中宗廟八人桓彥範敬暉張柬之崔元暉袁恕己狄仁傑魏元忠王同皎睿宗廟二人蘇瓌劉幽求元宗廟三人張說郭元振王琚肅宗廟二人苗及武德高祖以來將相晉卿裴冕代宗廟一人郭子儀

名節特高有封爵廢絕祠廟無主者宜許子孫一人紹

封以時享祀自今以後應有家廟子孫唐書禮樂志諸臣之享其親廟

室服器之數視其品開元十二年著令一品二品四廟

三品三廟五品二廟嫡士一廟庶人祭於寢及定禮二

品以上四廟三品三廟三品以上不頒爵者亦四廟四

廟有始封為五廟四品五品有兼爵亦三廟六品以下

達於庶人祭於寢天寶十載京官正員四品清望及四

品五品清官聽立廟勿限兼爵雖品及而建廟未逮亦

祭聽寢但傳襲封爵者並許享附於廟唐書禮樂志凡附皆給休五日特享

皆四日散齋二日於正寢致齋一日於廟子孫陪者齋
一宿於家始廟則畧主而祠後喪闋乃祠喪二十八日
上旬卜而祠始神事之矣又親伯叔之無後者祠
會祖親昆弟及從父昆弟祠於祖親子姪祠於禰
其有

毀賣私廟及買之者各以犯教義賊論自古聖帝明王

忠臣烈士各令所在長吏以禮致祭書敘明目達聰垂

拱而理

書垂拱而天下治

詩稱濟濟多士文王以寧舍已從人

故能通天下之志棄瑕錄用

南史虞寄傳聖朝棄瑕忘過寬厚待人

故能

盡天下之才昔在太宗勤求理道納諫如響任賢勿疑

致俗於太平垂範於永代朕獲承鴻緒

梁簡文帝詔僉承鴻

追慕聖猷書之座隅常自儆勵朝夕翹想庶聞嘉謨

夢寐勞懷思得賢士凡厥在位所宜共成諸司官有陳
復宐者各盡所見條疏封進事有冤滯政有關遺悉當
極言無或隱避詔勅不便於時者所司執奏以聞天下
有蘊德懷才隱居不仕委所在觀察使表薦當以禮邀
致諸色人中賢良方正能直言極諫或博通墳典達於
教化或詳練故事長於著述或精習律令曉暢法理或
該明吏術可委理人或洞識韜略堪任將帥者委所在
州府長吏及臺省常叅官詳錄行能舉奏並限來年七
月內到京朕當親試應緣大禮掌職行事仗內引駕

唐書

儀衛志內仗以左右金吾將軍當上中郎將一人押之
有押官有知隊仗官朝堂置左右引駕三衛六十人以
左右衛三衛年長疆直能糾劾者爲之分五番有引駕
飲飛六十六人以飲飛越騎步射爲之分六番每番皆
有主帥一人坐日引駕升殿金吾大將軍各一人押攝
之號曰押引駕官中郎將郎將各一人檢校引駕事攝
將軍中郎郎將畱守副畱守并諸道表狀陪位法駕三

引官等

三輔黃圖天子出車駕次第謂之鹵簿有六駕
有法駕有小駕唐儀衛志大駕鹵簿萬年縣令

先導次京兆牧太常卿司徒御史大夫兵部尚書法駕
藏太常卿司徒兵部白鷺車辟惡車大輦五副路安車
四望車又減屬車四清游隊持斂隊元武隊皆減四之
一鼓吹減三之一文獻通考宣和初蔡攸等言大駕之
出自漢光武時始有三引先河南尹次執金吾次洛陽
令先尊後卑也後魏亦三引先平城令次司隸校尉次
丞相先卑後尊也唐兼用六引謹按唐六引大三品已
駕也法駕減太常卿司徒兵部尚書則用三引

上更賜爵一級四品已下加一階其郊壇宮廟行事官
仍各賜勳兩轉皇親諸親應陪位者三品已上賜爵一
級四品五品加一階六品已下及常選官至選日優與
處分白身人及諸色應陪位官等各賜勳兩轉親王大
長公主郡主縣主賜物各有差鄴公公各賜物若干

段

程大昌曰若干者設數之言也干猶箇也若箇猶言
幾何枚也又設干者十干自甲至癸也亦以數言也

行事室長掌坐齋郎禮生贊者各減一年勞無勞可減
者至簡選日優與處分崇賢館學生減策一道國子監

學生陪位者及應緣祇應諸司作官直長長上

通鑑音
殿中

六局直長正七品又凡衛兵皆更番迭上長上者不更代也唐宮制懷化執戟長上歸德執戟長上唱武散階

九品長上流外要職掌內侍省唐書百官志內侍省掌

之官尚矣局曰掖庭宮闈奚官內僕內坊少監內侍為之貳通典

隋曰內侍省煬帝改為長秋監唐武德初改為內侍省

有內侍四人掌知宮內供奉白身唐書百官志內侍有

中宮駕出則夾引總判局事高品一千六百九十

六人品官白身二人諸州行綱考典綱目集覽綱典主漕

千九百四十二人貨志故事州縣官充綱兩京耆壽諸色番役當上在城

送輕貨四萬書上考并量畱十月番人各賜勳一轉鴻臚唐書百官志鴻臚

之事領典客司儀二署漢書注胡廣曰鴻臚也臚音問

傳之也所以傳聲讚道九賓韋昭曰鴻大臚陳也欲以

大禮陳序

于賓客

番客其賜物若干神策六軍英武威遠皇城

翁克集

卷之三十八

金吾街使諸軍諸使將士應緣大禮宿衛御樓立仗及
守本庫本營者各賜物若干端匹天下耆老百歲以上
者各賜錦帛五段米五碩八十以上及鰥寡惇獨不能
自存者委刺史縣令各加優恤應緣大禮加階及賜勳
爵等申報敘奏期限並准貞元六年十二月二日勅處
分餘依常式所司不須更作條件赦書日行五百里布
告遐邇咸使聞知

蝗蟲避正殿降免囚徒德音

舊唐書德宗紀貞元

元年秋七月關中蝗
食草木都盡旱其
澗水將竭井多無水有司計
度支錢穀纔可支七旬甲子詔云馬文昌雜

錄今之文德殿唐之宣政殿也是謂正衙而垂
拱直其北紫宸乃在東偏文獻通考唐故事天
字曰御殿見羣臣曰常參朔望薦食諸陵寢有
思慕之心不能臨前殿則御便殿見羣臣曰入
閣宣政前殿也謂之衙衙有仗紫宸便殿也謂
之閣其不御前殿而御紫宸也乃自正衙喚仗
南閣門而入閣凡俟朝于衙者因隨以入見故
謂之入閣然衙朝也其禮尊閣晏見也其事殺
前漢楚元王傳發明詔吐德音玉海大赦者不
以罪大小皆原其或某處有災或車駕行幸則
曰赦某郡已下謂之曲赦復有遞減其罪謂之
德音者比曲赦則恩及天下比大赦則罪不盡
除案

夫人事失於下則天變形於上咎徵之作必有由然自
去歲以來災沴仍集雨澤不降延歷三時蟲蝗既臻彌

巨千里穀糴翔貴

前漢食貨志穀賈翔貴注師古曰翔言如鳥之回翔謂不離于貴也若暴

貴稱騰踊也

稼穡卒瘵

詩下民卒瘵傳瘵病也

嗷嗷烝人

通鑑音注烝人猶烝民也

避太宗諱

聚泣田畝與言及此實所痛傷福祈百神

禮周

大司徒以荒政十有二聚萬民十一曰索鬼神

曾不獲應方悟禱祀非救患之

術言詞非謝遣之誠憂心如焚淡自刻責得非刑法舛

增韻舛錯也左思吳都賦詭類舛錯

忠良鬱堙

左傳鬱堙湮不育

暴賦未蠲勞師

靡息事或無益而重為煩費任或非當而橫肆侵蝕

詩及

其蝨賊傳食根曰蝨食節曰賊左傳帥我蝨賊

有一於茲足傷和氣本其所以

罪實在予百姓何辜重罹殍餒所空出次貶食節用緩

刑周禮荒政十有二曰散側身增脩以謹天戒避

正殿不御百寮奏事並於延英處分通鑑音注盧文紀

英殿或宰相欲有奏對或天子欲有咨度皆非時召見

程大昌曰高宗初創蓬萊宮諸門殿亭皆已立名至上

元二年延英殿當御座生玉芝則是初有大明宮即有

延英殿顧名對宰臣則始于代宗耳代宗以苗晉卿年

老蹇甚聽入閣不趨為御延英此優禮也按六典宣政

殿前西上閣門之西即為延英門延英門之左即延英

殿故陽城欲救陸贄約拾遺王仲舒守延英殿上疏伏

閣不去也綱目質實延英在西安府治東北五里唐東

內宣政殿次東乃宰相啓

事之所相對有思政殿

升謂之大侵大侵之禮君食不兼味百虎通一穀不升

徹鶉鷄二穀不升徹鳧雁三穀不升徹雉兔四穀不升

損圉獸五穀不

升不備三牲

百司不急之務一切且除諸將軍士外

尚食進膳宜更節減穀梁傳

五穀不

五穀不

自餘應食官糧人及諸色用度等並委本使長官商量
權行停減以救荒饉仍限十日內具元額及所釐革條
件聞奏待至豐稔却令依舊畿內百姓委京兆尹切加
慰撫除正稅正役外徵科差遣並宜禁絕非交相侵奪
尋常訴訟不宜追擾務且息人京畿內外及京兆府諸
縣見禁囚徒死罪降徒流已下一切放免畿內及河中
同州界應有因戰陣殺戮遺骸暴露者各委所在長吏
隨事埋瘞

爾雅瘞幽也注幽亦
瘞也疏皆謂葬藏

咨爾卿佐實惟股肱所

當一其誠心同恤災患勉脩厥職副我憂勤

誅李懷光後原宥河中將吏并招諭淮西詔舊唐書德

崇紀貞元元年八月甲子李懷光大將尉珪以

焦籬堡降丁卯懷光將徐庭光以長春宮兵六

千人降甲戌朔方大將牛名俊斬李懷光

傳首闕下馬燧收復河中己卯詔云云

自昔哲王書往敷求于殷先哲王以道化下不竭物以

詩下武惟周世有哲王

充欲不勞人以樹威億兆之心如戴父母兵革不試四

方來同苟或昧於德綏務以力勝士旅疲耗烝黎困窮

幸以成功豈云有補李懷光久從戎旅頗著勤勞拔於

等倫前漢甘延壽傳投授以旄鉞綱目集覽旄毛幢也

右拔距絕于等倫

持之大斧行節制者誓師河朔奔難奉天有夷兇嫉惡之誠

示專斷

有彌忠釋圍之績俾介元帥

唐書宰相表建中四年十一月癸巳朔方節度使李

懷光為中書令朔方邠寧同華陝虢

仍升上台周禮春官大宗

河中言絳慈隰行營兵馬副元帥

伯司中疏武陵太守星傳云三

秉心匪彝自底不類凡

我造邦無從匪彝又予小

怙眾貪亂附姦脅君朕用再

子不弔于德自底不類

杞等內不自安遂有異

遷通鑑李懷光既脅朝廷遂盧

與朱泚通謀李晟以為

懷光一狀已明緩急宜有備蜀

漢之路不可壅請以裨

將趙光銑等為洋利劍三州刺

史各將兵五百以防未

然上疑未決欲親總禁兵幸咸

陽以慰撫為名趨諸將

進討或謂懷光曰此漢祖遊雲

夢之策也懷光大懼反

謀益甚上垂欲行懷光辭益不

遜上猶疑讒人間之加

懷光大尉增實食賜鐵券遣神

策右兵馬使李卞等往

論旨懷光對使者投鐵券于地

曰聖人疑懷光邪人臣

反賜鐵券懷光不反今賜鐵券

是使之反也

李懷光夜遣人襲奪李建徽楊惠元建徽走免惠元將
奔奉天懷光遣兵追殺之懷光又宣言曰吾今與朱泚
連和車駕且當遠避遣其將趙昇鸞入奉天約其父使
別將達奚小俊燒乾陵令昇鸞為內應以驚脅乘輿昇
鸞詣渾瑊自言瑊遠以聞且請決幸梁州上命瑊戒嚴
城出部勒未畢上已出城西命戴休顏守奉天朝臣將
士狼狽愆從幾危宗廟洎股肱宣力賊泚就誅率土之人咸

懷奮擊朕獨排羣議未忍加兵命復官封志期全貸而

乃昏迷不返悖慢逾彰殘害使臣通鑑興元元年三月

朔方將士忠順功名猶以懷光舊勳曲加容貸其副元
帥太尉中書令河中尹并朔方諸道節度觀察等使宜
並罷免授太子太保其所管兵馬委本軍自舉一人功
高望重者便宜統領速具奏聞當授旌旄以從人欲遣
給事中孔巢父齋先除懷光太子太保勅詣河中宣慰
朔方將士悉復官爵如故孔巢父至河中李懷光素服

待罪巢父不之止懷光左右多胡人皆嘆曰大尉無官

矣巢父又宣言于眾曰軍中誰可代太尉領軍者于是

懷光左右發怒誼謀宣詔未畢眾殺巢父及中

使談守盈懷光亦不之止復治兵為拒守之備侵敗畿

甸密邇京邑人愁無聊諭之不悛乃用致討上帝悔禍

元臣協謀克集茂勳晉書元帝紀茂勳格于以夷大難

渠魁授首書殲厥渠魁正義渠為大魁為帥餘眾草心

制勝以謀兵無血刃荀子兵不血刃遠邇來服雖事非獲已義在救

人而本其所由情浚罪已蓋以信誠未著撫馭或乖至

使功臣陷於誅戮謂之克敵寧不愧心然以懷光一家

法當殲戮念其昔居將相嘗寄腹心罪雖掛於刑書左傳

鄭人鑄刑書唐書刑法志唐功已藏於王府魏志公孫淵傳功隆

事大勲以干紀之跡徐陵文象恭無赦干紀必誅固合滅身以赴難

之勳所宐有後非常之澤俾洽幽明雖屈彝章庶旌往

效大夫君子無我有尤宐以懷光一男為嗣唐書李懷光傳初懷

光死其子瓘盡殺其弟乃死故懷光無後五年詔以外孫燕賜姓李名曰承緒以左衛率府胄曹參軍繼懷光

後賜莊宅各一所聽住京城仍還懷光首級及屍任便

收葬其妻及諸子孫在室女等並遞送澧州唐書地理志澧州澧

陽郡屬山南道續通典澧州漢零陽縣地吳立天門郡隋置松州尋改澧州州在澧水之陽故名舊志在京師

東南一千八百九唐書太宗諸子列傳曹王明十三里澧音禮委李臯貞觀二十一年始王曹高宗

詔出後巢王三子俊傑備俊嗣王神龍初以傑子胤嗣
後停封而封備開元十二年復封胤子戡嗣戡子臯字
子蘭天寶十
一載嗣王逐便安置使得存立其出嫁女及諸親戚

並宜釋放應先陷河中將士等皆嬰迫脅無路申明多
是朔方舊人素蘊忠義并幽州涇原將士頃被朱泚脅
從收京之時奔竄在彼究其本末情有足矜况能協力
同謀舉城歸順錄其成效咸與惟新宐一切洗雪勿爲
瑕累先有官爵實封者並許仍舊其中首謀效順事績
著明者委副元帥條件奏聞別加甄獎河中及同州絳
州百姓並經陷賊又久屯軍骨肉流離生業廢棄興言

軫念良用惻然各給復一年京兆府率先美原唐書地理

志美原縣屬京兆府通監音注後漢景明元年分漢富

平縣置土門縣屬新平郡因土門山為名隋廢土門縣

入華原咸亨二年分京兆之富平華原

及同州之蒲城以故土門縣置美原縣等縣緣與同州

接近隨便供運杼軸既繁流亡頗眾委京兆尹即量事

優恤條件聞奏仍加招輯使各安存河中保義軍唐書方鎮

表建中四年興鳳隴保寧軍唐書方鎮表興元元年賜

節度賜號保義節度河中節度號保寧軍節度

節度使并管內諸軍行營兵馬副元帥唐書百官志建

烈反置諸軍行河中保寧等軍節度度支營田唐書百

營兵馬都元帥官志沃

節有屯田之州觀察處置等使銀青光祿大夫唐書百

則置營田使官志從

翰苑集 卷之三 十四

三品曰銀青

光祿大夫

檢校司徒同中書門下平章事兼太原尹

唐書地理志

太原府太原郡本并州開元十一年為府

唐書百官志

未徽中改尹曰長史開元三年改京兆河

南府長史復為尹十一年

北都留守

唐書方鎮表開元

太原府亦置尹及少尹

節度為太原府以北諸軍州節度河東道支度營田使

兼北都留守領太原及遼石嵐汾代忻朔蔚雲九州治

節度為太原府

北平郡王燧惟嶽降生鬱為時傑奉上勵匪躬之節

兼北都留守

太原府亦置尹及少尹

節度為太原府

北平郡王燧惟嶽降生鬱為時傑奉上勵匪躬之節

兼北都留守

太原府亦置尹及少尹

易蹇卦王臣蹇

訓師懷盡敵之謀

國語夫戰

略地無遺

蹇匪躬之故

訓師懷盡敵之謀

國語夫戰

略地無遺

攻城必拔發揚以威強寇感激而服叛徒

唐書馬燧傳

守長春宮城燧度

長春不下則懷光固守久攻所傷必

眾乃挺身至城下

見廷光廷光憚燧威拜城上燧顧其

心已屈徐曰我自

朝廷來可西嚮受命廷光再拜燧曰

公等朔方士自祿

山以來功高天下奈何棄之為滅族

計若從吾言非止免禍富貴可遂也未對燧曰爾以吾
為欺邪今不遠數步可射我披而示之心廷光感泣一
軍皆流涕卽率衆降燧以數騎入其城衆大呼曰吾等更為王人矣
嘉謀屢聞能事畢備

朔方河中同絳陝虢汴等州

唐書地理志陝州陝郡虢州宏農郡屬河南道續通

典陝州卽周二伯分陝之地後魏太和十一年置陝州
號州號郡帝王世紀云號有三周封號仲于西號號州
之地也封號叔于東號今成臯也陝
郡平陸是北號汴注見制誥七卷及管內諸軍副元

即河中絳州節度觀察處置等使

唐書方鎮表廣德二
年置河中五州都團

練觀 開府儀同三司

唐書百官志從一品曰開府儀同
三司通典後漢章帝建初三年始

使車騎將軍馬防班同三司同三司之名自此始也
帝延平九年鄧騭為車騎將軍儀同三司儀同之名自
此始也魏黃權以車騎將軍開府儀同三司開府
之名自此始也唐以開府儀同三司為文散官行侍

中兼河中尹唐書方鎮表乾元二年河中尹耀德軍使威寧郡王瑊

鑒識精明晉書楊駿傳經德履喆鑒識明遠宇量宏博袁宏名臣贊魏

雅鹽鐵論劉子雍言王道斌斌然可謂宏博君子矣秉義率眾推誠待人堅制不

奪之心亟陳必勝之略輯睦士旅安慰流庸盛德克彰

崇功允集惟乃二帥一其誠心奉行天誅同獎王室有

崇讓之美有禁暴之能元惡既除書元惡大憝荀子元惡不待教而誅全

城底定是加寵命陸機漢高祖功臣頌是謂平國寵命有輝以答崇勳燧可

兼侍中仍與一子五品正員官并階餘並如故瑊可檢

校司空唐書百官志太尉司徒司空是為三公皆正一品仍與一子五品正員

官并階餘並如故華州潼關唐書地理志華州華陰郡屬關內道雍錄潼關在華

州華陰縣東北而太華山之北也太華在縣南八里通

典曰日本名衝關言河在龍門向南而流衝激華山之東

故以為名元和志謂因潼水名關者是也曹大家賦曰

涉黃卷以濟潼則潼名古固有之至唐始於其地立關

耳鎮國軍節度使開府儀同三司檢校右僕射並華州

刺史上柱國史紀項羽本紀注應邵曰上柱國上卿官若今相國也唐書百官志司勳掌官吏勳

級凡十有二轉為武康郡王駱元光邠寧慶唐書地理志慶州順

上柱國視正二品化郡屬關內道續通典慶州宏化郡東南三里有不窰

城後魏大統十一年置朔州隋文帝改置合川鎮十六

年置慶州以慶美取其嘉名今郡城名等州刺史御史

尉李城在白馬兩川交口亦曰不窰城

大夫上柱國許昌郡王通典潁川郡許州春秋許國秦為潁川郡後周改許州唐或為

潁川郡領縣六長社陽陵長葛臨潁許昌扶

溝許昌漢許縣獻帝都於此魏文改曰許昌韓游瓌

韓游瓌傳懷光寇同州城元諒敗于乾坑詔游瓌率兵

并力敗賊衆五千于屯遂會城馬燧圍蒲城師次焦籬

堡守將尉珪降懷光

見勢單蹙乃縊死

表上元元年置渭北鄜坊節度使治坊州并領丹延二

州大歷十四年罷渭北節度置都團練觀察使建中四

年復置渭北節度徙治鄜州

其後置都團練觀察防禦使檢校兵部尚書兼御史大

夫上柱國東平郡王唐朝臣等並節著艱危功成討伐

鎮於衝要隱若長城

宋書檀道濟傳初道濟見收脫憤投地曰乃復壞汝萬里長城取

彼兇殘進無堅陣比義同德廓清方隅宜增食於真封

源流至論漢平帝紀令二百石以上一切論秩如真釋者謂諸官吏初除皆試守滿歲稱職乃為真食全俸

且延榮於蔭子

陰一作亂唐書選舉志凡用蔭一品子正七品上二品子正七品下三品子從

七品上從三品子從七品下正四品子正八品上從四

品子正八品下正五品子從八品上從五品及公國子

從八品下可各使實封二百戶仍與一子六品正員官並五

品階餘並如故應諸道諸軍同討懷光將士等一自征

役淹歷歲時被服干戈略無寧息賴茲勤效是有成功

宐並賜三十萬端匹以充宴賞仰度支卽般次送赴並

各放歸本道仍令所司敘錄卽超資與改轉其中大將

及功效殊尤者委所司速具名銜聞奏先與處分其先

在河中將士亦宐依例賜錢宴賞如本是奉天定難功

臣准條合給賞者度支卽排比支付嗚呼自國家多難

詩未堪家多難二紀於茲朕嗣位七年連兵五載追惟往事悔

恨於懷今二孽謂朱此既誅諸方甫定哀彼淮右獨為

匪人其帥不恭其衆何罪朕晨夕惕慮念之甚詳罷征

討則阻命止於數州窮戰爭則流禍及於天下利病之

勢較然相懸俾人罹殃寧我忍恥今勳賢列鎮疆里有

經縱未偃戈足以保境况天地之大無所不容豈令是

邦猶隔朝化因茲大慶使洽鴻恩諸道應與淮西接連

宜且各守封境非破侵軼不須進討仍委所在長吏明

加招諭宣布朕懷李希烈若能歸降待以不死其餘將
士官吏百姓等一切並與洗滌與之更新先有官封亦
皆仍舊如能去逆效順因事建功理當甄升以示褒勸
其所以優賞科條並准前勅處分朕思與海內去危圖
安有過自新雖大必宥昭然明信彰示兆人期爾庶邦
自求多福無有遠邇咸使聞知

誅李希烈後原淮西將士并授陳仙奇

希烈親將

節度

詔

通鑑綱目希烈別將寇襄鄧州樊澤李澄擊破之希烈兵勢日蹙會有疫仙奇使醫毒殺

之因屠其家舉衆來降詔爲淮西節度使

之因屠其家舉衆來降詔爲淮西節度使

反易天常

左傳夏書曰惟彼陶唐帥彼天常

悖違人紀

書伊訓先王肇脩人紀

衆之所棄罔或逃誅李希烈蔑義背恩窮

姦極暴謂神器可以力取謂生靈可以詐欺

唐書李希烈傳

染石作璽又于上蔡襄城獲

志在兇殘躬行僭竊

唐書李希烈傳

折車釘奉以為瑞惑其下

烈傳希烈已據汴僭即皇帝位國號楚建元武成以張

鸞子李綬李元平為宰相鄭賁為侍中孫廣為中書令

披其地建四節度以汴州為大梁府治安州為南關 罪無與比法實難容以君德

不脩致人於禍究其端本過實在予不忍烝黎重相攻

戰屢施詔命務欲懷柔

詩懷柔百神

抑羣師奮發之誠駐諸

軍討逐之勢不憚屈已則於息人希烈曾無悛心

書性受周

有俊益逞驕志虐毒滋甚吞噬無厭惡貫既盈書商罪貫盈

自辰夷滅開府儀同三司御史中丞唐書百官志御史臺中丞二人正四

品下通典初漢御史大夫有兩丞一曰御史丞一曰中丞亦謂中丞為御史中執法中丞在殿中蘭臺掌圖籍

秘書外督部刺史內領侍御史十五員受公卿奏事舉

劾案章蓋居殿中察舉非法也隋以國諱改中丞為大

夫唐因隋亦曰大夫御史中丞舊持書侍御史也初漢

宣帝元鳳中感路溫舒尚德緩刑之言季秋後請讞時

帝幸宣室齋居而決事令侍御史二人持書侍書御史

起于此也高宗末徽初以國諱故改持書侍御史為御

史中謹按沈約宋志作臨漳蕭子顯

承臨漳郡王陳仙奇日臨漳郡本合浦郡之北界也

通典合浦郡廉州秦象郡地漢置合浦郡宋因之兼置

臨漳郡及越州領郡三理於此唐置廉州州界有漳江

忠勇有餘沉毅能斷魏志明帝紀注天攄闔境受污之

姿秀出沉毅能斷

翰苑集 卷之二十九

憤導三軍思順之心唱義一呼羣情響附廓清氛祲殲

戮渠魁驛書上聞函首入獻杜牧寶烈女傳初希烈入

美使甲士至良門取桂娘以去將出門顧其父曰慎無

戚必能滅賊使大人取富貴于天子桂娘以才色在希

烈側復能巧曲取信希烈歸蔡州桂娘謂希烈曰忠而

勇一軍莫如陳仙奇其妻寶氏仙奇寵且信之願得先

往來以姊妹敘齒因徐說之使堅仙奇之心希烈然之

桂娘以姊事仙奇妻嘗問曰為賊遲晚必敗姊宜早圖

遺種之地仙奇妻然之與元元年四月希烈暴死其子

不發喪欲盡誅老將校以卑少者代之計未決有獻舍

桃者桂娘白希烈子請分遺仙奇妻且以示無事于外

因為蠟帛書曰前日已死殯在後堂欲誅大臣須自為

計以朱染帛丸如含桃仙奇發丸見之言于薛育育曰

兩日希烈稱疾但怪樂曲雜發晝夜不絕此乃有謀未
定示暇于外事不疑矣明日仙奇薛育各以所部謀于
牙門請見希烈希烈子道出拜曰願去偽號一如李納

仙奇曰爾父悖逆天子有命誅之因斬方鵬既又役成
希烈及妻子函七首以獻暴其尸于市

其休懸賞之科是宜必信唐書李希烈傳希烈懼上疏

上得其官五品以下唐書其以仙奇為檢校工部尚書唐書

戶四百民賜復三年志工部尚書唐書兼蔡州刺史御史大夫充淮西節度仍賜

實封五百戶應淮西管內將士官吏百姓等項迫兇威

遂從脅制既誅元惡俱是平人除李希烈一家其餘並

在前後赦勅原放更無所問其將士等或本屬平盧唐書

方鎮表開元五年營州置平盧軍使七年升平盧軍使
為平盧軍節度經畧河北支度管內諸蕃及營田等使

兼領安都都護或久鎮淮右素推忠義累著勳庸果能
反營遠燕三州

叶志同謀輸誠奉順以茲節效良有可嘉委仙奇即以

諸色官錢優與宴勞其中首建謀議同斬希烈人等宐

並條錄聞奏節次褒賞比年以來有潛圖效順節義著

明計或未行為賊屠害者唐書李希烈傳哥舒曜復取汝州希烈遣周會呂從賁

合謀襲希烈不克皆死清奔劉洽亦當審加訪察具事

績以聞如有子孫仍並錄名聞奏百姓等久經淪陷兼

被傷夷左傳命軍吏察夷傷遐想凋殘實足哀憫除供當道軍用

外宐給復二年應被希烈差點兵馬及團練子弟並即

放散其本額將士之中有不樂在軍願歸農業者委節

度刺史量給逃死戶田宅并借貸種糧優給復終身使

之存濟宜令尙書左丞

唐書百官志尙書省左丞一人正四品上

鄭叔則

謹按

時為東都雷守

充淮西宣慰使嗚呼往欽哉自希烈叛命於今

五年王澤不通下情亦阻所宜宣我信令以釋危疑敷

我惠和

左傳為溫慈惠和以效天之生殖長育

以慰疲瘵

詩上帝其蹈無自瘵焉傳瘵病

也滌清汚俗咸與惟新底難一方以稱朕意

重原宥淮西將士詔

乃者希烈亂常阻兵竊號汚脅士衆殘虐烝黎朕志在

好生誠渎罪已

左傳禹湯罪己其興也悖焉

為人受恥不忍加兵惟

茲一軍代著忠節果殲元惡不替舊勳

左傳我襄公未忘君之舊勳察

邕胡公碑奕世載德不廢舊勳

詢於衆情就拜戎帥人亦勞止期於小

康旋乖恤下之方重致喪身之禍由朕薄德俾人不寧

撫臨萬邦且愧且悼猶賴將校士旅秉其誠心邦人不

驚軍部無撓以茲節效良有可嘉所宐慰安俾洽寬澤

應將士吏人承前所有諸過犯罪無輕重一切釋放曠

然昭洗咸與惟新其有先請受莊宅財物者各以見管

爲主將士衣賜節料并家口糧賜等一切并准舊例以

時給付不得停減先令優典賞設亦准元勅處分務令

豐厚以稱朕懷仍加曉諭各委知悉

豐城縣志

唐陸宣公翰苑集卷第四

平定張佩芳蓀圃注釋

新安汪肇龍雅川

程瑤田易田

汪梧鳳在湘

方矩晞原叅訂

制誥

賑恤諸道將吏百姓等詔

國之經制儲蓄備災雖遇凶年人無菜色

禮記三年耕必有一年之

食九年耕必有三年之食以三十年之通雖有凶旱水溢民無菜色時或弛征散利周禮

一曰散利左傳務穡勸分傳二十一年夏大旱臧文仲曰脩城郭貶食省用務穡勸分此

其務也杜註穡儉也勸分有無相濟又徙有以均無因昭元年傳穆叔曰大國省穡而用之

豐而補敗救患之術抑其次焉自戍役繁興兩河尤極

農桑日費井邑為墟丁壯服其干戈疲羸委於溝壑傷

夷未復荒僅薦臻歷河朔而至於太原自淮沂而被於

洛泗禹貢蔡註淮沂二水名水經云淮水出南陽平氏縣胎簪山沂水地志云出泰山郡蓋縣艾山今沂

州沂水縣也洛水地志云出宏農郡上洛縣冢領山水經謂之謹舉山今商州洛南縣冢領山也泗水地志作

青扶風沂縣弦蒲藪芻水出其西北東詩去

入漑今隴州沂源縣弦蒲藪有泗水焉詩去

及其蝨賊李巡云言其蝨冥冥難知也陸璣云蝨似好蚋而頭不赤唐書五行志典元元年秋蝨蝗自山

而東際于海時天蔽野草木葉皆盡貞元元年夏蝗東自海西盡河隴羣飛蔽天旬日不息所至草木葉及畜

毛靡有子遺饑饉枕道民雨澤愆時稼穡卒痒蒸黎重蒸蝗曝颺去翅足而食之

困國語內困于父母外然猶徵賦不息征役未寧凍餒

流離寄命無所興言感悼焚灼於懷朕聞刑罰失中虐

疹斯作唐書五行志知罪不誅其罰燠夏則暑殺人冬則物華實蓋常寒反燠象宐刑而賞之也致

咎之本在予一人萬姓何辜遭罹其弊兢兢惕畏不敢

違安庶蠲下土之災用答上天之戒其宣武等軍唐書地理

志汴州有宣武軍宋毫陳州等節度唐書方鎮表建中二年置

翁范集卷之四二

號宣武軍

節度使

淄青等州節度河陽

唐書地理志孟州有河陽軍建中四年置通鑑

音注河陽縣本屬懷州顯慶二年分屬河南府城臨大河長橋架水古稱設險此城後魏之北中城也東西魏

兵爭又築中潯及南城謂之河陽三城

懷州節度

唐書方鎮表建中二年置河陽三城節度使以

東都畿觀察使兼之領懷鄭汝陝四州貞元年罷節度置都團練使十二年復置河陽懷節度治河陽東

都畿汝等州節度

見上潞美軍澤潞磁邢等州節度唐書方鎮

表至德元年載置澤潞沁節度使治潞州寶應元年澤潞節度增領陳邢洛趙四州

保寧軍節度

成德軍恆深趙等州節度

唐書方鎮表寶應元年置成德軍節度使領恆定易趙深

五州治恆州

易定等州節度每管各賜米五萬碩所司即般

運都於楚州

唐書地理志楚州淮陰郡屬淮南道通鑑音注楚州本漢射陽鹽漬縣地晉置山陽

初隋開皇初罷郡十二年置
楚州大業初州廢唐初復置
分付各委本道差官受領

賑給將士百姓等務令均洽以惠困窮屬軍費方殷國

儲尚歉今所賜賑給其數非多猶慮孤惸或未周贍穀

價翔貴何能自資江淮之間連歲豐稔迫於供賦頗亦

傷農收其有餘濟彼不足允孚發歛之術且叶變通之

規易變通配四時宜令度支於淮南唐書地理志淮南道蓋古揚州之域漢九江廬江江

夏等郡廣陵六安國及浙江東西唐書方鎮表建中元年分浙江東西道都

團練觀察使為二道通鑑音注浙東道節度使領越睦

使領昇潤宣歙饒江蘇
常杭湖十州治昇州
等道量置場加價和糴米三五

十萬碩差官般運於諸道減價出糶貴從權便以利於

人後漢段熲傳臨時量宐不失權便無或勞煩重予不德方岳守將寔

朕股肱卹患分憂與朕同體宐卽遣使分道宣慰勞勉

將士省問鄉閭有可以救歲之凶災除人之疾苦各與

本道節度使商議具以聞奏必精必詳用稱朕意

優恤畿內百姓並除十縣令詔通鑑音注唐雍州諸縣萬年長安為

赤縣餘縣為畿縣六典曰城內為京縣城外為畿縣京縣令正五品上畿縣令正六品下

朕以薄德託於人上左傳齊桓公存三亡國以屬諸侯義士猶曰薄德勵精思

理期致雍熙東京賦上下鑒之不明事或乖當百度多

闕四方靡寧傷夷未瘳而征役薦起流亡既甚而賦歛
彌繁人怨聞上天災降下連歲蝗旱蕩無農收惟茲近
郊遭害尤甚豈非昊穹作沴深警予衷跼踖憂慚罔知
攸措今穀價騰踊前漢魏相傳今歲不登穀暴騰踊師古注價忽大貴也人情震

驚鄉閭不居骨肉相棄流離殞斃所不忍聞公私之間

廩食俱竭既無賑恤猶復徵求財殫力疲繼以鞭箠弛

征則軍莫之贍厚歛則人何以堪念茲困窮痛切心骨

思所以濟浩無津涯書若涉大水其無津涯補過寔在於增脩救

患莫如於息費致咎之本既由朕躬謝譴之誠當自朕

始宐令尚食每日所進膳各減一半宮人等每月惟供
給糧米一千五百碩其餘悉皆停省年食支酒料宐減
五百碩飛龍廐馬從今已後至四月三十日已前並減
半料京兆府百姓應差科徵配及和市和糴等諸色名
目事無大小一切並停公私債負容待蠶麥熟後徵收
百司非至切之務如追擾百姓及追勘徵收等色府縣
並不須承受其尋常訴訟非交相侵奪者亦不得爲理
百姓及諸色人等如能力行仁義均減有無贖貸貧人
全活數衆者府司具事跡聞奏朕當授以官秩蠲其征

徭如縣令勸導有方流庸克濟至夏初以來類例勘會
但戶口無減田疇不荒亦以狀聞量加優獎百姓有迫
於荒饑全家逐食者其田宅家具樹木麥苗等縣司並
明立簿書印記令所由及近隣人同檢校勿容輒有毀
損及典賣填納差科本戶却歸使令復業夫致理之本

必在於親人

南史循吏傳序長吏之職號曰親人至
于道德齊禮移風易俗未有不由之矣親

人之任莫切於令長導王者之澤以被於下求庶人之

瘼

詩亂離瘼
矣傳瘼病

以聞於朝得失之間所係甚大且一夫不

獲辜寔在予

書一夫不獲則
曰時子之辜

况百里之安危萬人之性

命付以長吏豈容易哉今甸內凋殘亦已太甚每一興

想盡然傷懷非慈惠不能恤疲管子為人父者慈惠以教非才術

無以賑艱食臺郎御史選重當時得不分朕之憂救人

之弊昨者詳延羣彥親訪嘉猷書爾有嘉謀嘉猷尚書司勳員

外郎唐書百官志司勳員外郎二人掌官吏勳綴六典周官太宰之屬官有上士蓋今員外郎之任也宋

百官階次有員外郎美遷為尚書郎隋文帝開皇六年尚書二十四曹各置員外郎一人品從第六謂曹郎本

員之外復置郎也竇申等十人咸以器能理道精心究烝黎之

疾苦知教化之宗原輟於周行往蒞通邑申可長安縣

令鄭珣瑜可檢校吏部員外郎唐書百官志吏部員外郎二人從六品上通典

隋開皇六年置吏部員外郎一人煬帝三年改爲選部
承務郎武德三年復舊加置一人一員判廢置一員判

南曹兼奉先縣令韋武可檢校禮部員郎唐書百官志禮部郎中員外郎

掌禮樂學校衣冠符印表疏圖書冊命祥瑞鋪設及百
官宮人喪葬贈賻之數爲尚書侍郎之貳通典隋文帝

置禮部員外郎煬帝改爲儀曹承務郎兼昭應縣令賈
武德三年復舊其後曹改而官不改

全可咸陽縣令通鑑音注咸陽秦都漢爲渭城縣屬右
扶風晉廢縣後魏置咸陽郡隋廢武德

元年分涇陽始平置咸陽縣屬兼監察御史唐書百官志監察御

京北九域志在府西四十里唐書百官志監察御

史十五人正八品下掌分察百寮巡按州縣獄訟軍戎
祭祀營作太府出納皆涖焉通典監察御史初秦以御

史監理諸郡謂之監察御史漢初罷其名至晉始置檢
校御史隋開皇二年改檢校御史爲監察御史凡十二
人唐監察御史十員裏行五通鑑音員其選拜多自京畿縣尉

霍琮可華原縣令

通鑑音注華原

宐君銅官漢雲陽祓禱之地後魏于華原置北雍州西魏改為宐州又置北地郡唐初復置宐州貞觀十七年州廢而以華原復屬于京兆 兼監察御史王倉可檢校禮部員外郎

兼昭應縣令李曾可蓋厓縣令 通鑑音注漢武帝置蓋厓縣屬扶風後漢警省

後魏復置後周置周南郡隋廢郡以蓋厓縣屬京兆唐置岐州 兼監察御史荀曾可三

原縣令 續通典三原縣本漢池陽縣地符堅于截薛北置三原護軍以其地南有澧原西有孟侯原北

有白鹿原為三原後魏太 兼侍御史 唐書百官志侍御平真君七年罷護軍置縣

通典侍御史于周為柱下史一名柱后史謂以鐵為柱言其審固不撓也亦為侍御史唐侍御史凡四員內供奉二員分直朝堂與給事中中書舍人同

受表裏寬訟迭知一日謂之三司受事 李緝可富平

縣令 通鑑音注高平縣屬雍州今耀州東南富平縣即其地 兼殿中侍御史 唐書百官

志殿中侍御史九人從七品下通典殿中侍御史魏蘭
臺遣二御史居殿中察非法即殿中侍御史之始也隋
初改曰殿內侍御史置十二
人唐置六員內供奉三員 其有散官封賜者並如故

應畿內縣令俸料宜准常參官例均融加給涇陽縣令

通鑑音注涇陽縣前漢屬安定郡後漢晉省後魏屬隴
東郡隋唐屬京兆杜佑曰京兆涇陽縣乃秦封涇陽君

之地漢涇陽縣在今
平涼郡界涇陽故城 韋滌潔已貞明後漢張奐傳正身

繫辭日月之
道貞明者也 處事通敏前漢趙廣漢傳少為郡吏州從

才 有禦災之術有字物之方人不流亡事皆辦集惟是

一邑之內獨無愁怨之聲古之循良何以過此就加寵

秩允叶前規前漢循吏傳孝宣以為太守吏民之本也
數變易則下不安民知其將久不可欺罔

迺服從其教化故二千石有治理效輒以璽書勉勵增秩賜金或爵至關內侯公卿闕則選諸所表以次用之

是故漢世良吏于是為盛可檢校工部員外郎唐書百官志工部員外郎一人掌城池土

木之工役程式為尚書侍郎之貳通典隋文帝置工部員外郎煬帝改為起部承務郎武德三年復為工部員

外郎兼本官仍賜緋魚袋唐書車服志高宗給五品以上隨身魚銀袋以防召命之詐出

內必合之三品以上金飾袋垂拱中都督刺史始賜魚天授二年改佩魚皆為龜其後三品以上龜袋飾以金

四品以銀五品以銅景雲中詔衣紫者魚袋以金飾之衣緋者以銀飾之開元初駙馬都尉從五品者假紫金

魚袋都督刺史品卑者假緋魚袋五品以上檢校試判官皆佩魚中書令張嘉貞奏致仕者佩魚終身自是百

官賞緋紫必兼並賜衣一襲史記趙世家賜相國公仲魚袋謂之章服

襲連衣二襲注單複具為一

緇百疋馬一疋嗚呼積行在躬雖微必著咨乃庶尹

其惟欽哉朕聞為君者必擇人而官為臣者剛擇官而處弛張繫於理不繫於時升降在乎人不在乎位朕方抑浮華以敦教稽言行以進人非次之恩以待能者後漢次選舉乖宜彭善黜惡期於必行凡百君子各宜自勉

重優復興元府及洋鳳州百姓等詔

唐書地理志洋州洋川郡

鳳州河池郡屬山南道通鑑音注洋州洋川郡

治西鄉縣西鄉漢成固縣蜀立西鄉後魏于此

置洋州以水為名鳳州漢故道河池縣地晉為

仇池氏所據後魏置梁泉縣西魏廢唐高宗置

鳳州

炭巡狩山南

白虎通王者所以巡狩者何巡者循也狩

山南道蓋古荆梁二州之域漢南郡武陵巴郡漢中南陽及江夏宏農廣漢武都郡地

自春涉夏

師旅殷會

周禮秋官大行人時會以發四方之禁殷同以施天下之政

日費既廣州

閭杼軸歲計其空東作妨時西成罕望

書平秩東作又平秩西成雖

黽勉從事人不告勞而憫悼積衷予實知愧昨者減其

租稅優以復除

唐書德宗紀興元元年六月癸丑以梁州為興元府給復一年乙巳給復洋州

一年加給興元一年免鳳州今歲稅

庶乎有瘳汔用小息泊駕言旋軫躬

履畏途絕礪縈廻

水經注阜下臨

上戴山

危棧綿亘

史記高祖紀去輒燒

絕棧道注棧道閣道也崔浩云險絕之處傍鑿山巖而施版

梁為閣

時經霖雨道阻且脩

工徒造舟縣人葺路靡幼靡耄莫獲寧居而又齎負糗

糧善時乃糗糧疏鄭云糗搗熬穀也供備頓舍通鑑音

謂敖米麥使熟又擣之以為粉也注中頓者謂中道有城有糧可以頓食也

置食之所曰頓唐人多言置頓涉於千里飫我六師

居人露處以罔依蔡邕述行賦民露處而寢溼宿麥過時而不獲觀

茲妨奪彌增感傷前所復除未及酬卹式敷惠澤以紓

大勞左傳大勞未艾君子勞心其興元府除先優復外

宜更給復二年鳳州全放今年稅其興元府鳳州界內

知頓及脩道路閤橋州縣官將士等通鑑音注車駕並

委嚴震唐書嚴震傳嚴震梓州鹽亭人為興鳳兩州類

團練使詔改梁州為興元府即用震為尹

例功效具名聞奏量子甄獎嗟乎古先哲王東征西怨

書東征西夷怨南征

北狄怨曰奚獨後予

顧予不德重以勞人補費錄勤是

有申命

易重與以申命書天其申命用休

長吏明加優諭稱朕意焉

議減鹽價詔

三代立制山澤不禁天地材利與人共之

穀梁傳山林藪澤之利所

以與民共也

王道寢微強霸爭驚於是設祈望之守

左傳昭二十年

齊侯疥遂蒞晏子曰海之鹽蜃祈望守之

興權管之法

前漢田千秋傳桑宏羊為御史大夫八年

自以為國家興權筦之利使入官也筦即管字也義

師古注權謂專其利與幹同皆謂主也

以佐兵

賦以寬地征公私之間猶

謂兼澤歷代遵用遂為典常

自頃寇難薦興已三十載服干櫓者

禮記禮義以為干櫓

農耕盡

廢居里閭者杼軸其空革車方殷軍食屢調人多轉徙

田畝汗萊乃專煮海之利

說文古者夙沙初作者海鹽

以為贍國之

術

管子不籍而贍國為之有道乎

度其所入歲倍田租

唐書食貨志乾元元年鹽鐵鑄

錢使第五琦初變鹽法就山海井竈近利之地置監院游民業鹽者為亭戶免雜徭盜鬻者論以法及琦為諸

州權鹽鐵使盡權天下鹽斗加時價百錢而出之為錢一百一十自兵起流庸未復稅賦不足供費鹽鐵使劉

晏以為因民所急而稅之則國足用於是上鹽法輕重之宜以鹽吏多則州縣擾出鹽鄉因舊監置吏亭戶糶

商人縱其所之江嶺去鹽遠者有長平鹽每商人不至則減價以糶民官收厚利而人不知貴晏之始至也鹽

利歲纔四十萬緡至大歷末六百餘萬緡天下之賦鹽利居半宮闈服御軍饌百官祿俸皆仰給焉近者

軍費日增權價日重至有以穀一斗易鹽一升唐書食貨志劉

晏鹽法既成商人納絹以代鹽利者每緡加錢二百以備將士春服包估為汴東水陸運兩稅鹽鐵使許以漆

器毒瑁綾綺代鹽價雖不可用者亦高估而售之廣虛數以罔上亭戶冒法私鬻不絕巡捕之卒遍于州縣鹽

估益貴商人乘時射利遠鄉平民困高估至有淡食者巡吏既多官冗傷財當時病之其後軍費日增鹽價浸

貴有以穀數斗易鹽一升私糶犯法未嘗少息一本末相踰科條益峻念彼貧賤

何能自滋五味失和左傳天有六氣降生五味周禮凡和春多酸夏多苦秋多辛冬多鹹

調以滑甘百疾生害以茲天斃實為痛傷嗚呼朕丕承烈聖

之緒遐覽前王之典既不克靜事以息用又不獲弛禁

以便人征利滋深疲疇至困予則不恤其誰省憂應江

淮并峽內權鹽

謹按通典硤州裏後郡以扼三硤之口故為硤州西通蜀江廣韵蜀楚之交山

有三硤左思蜀都賦注三峽在巴東永安縣謂西陵峽

歸鄉峽巫峽也唐分三川置東川西川劍南皆在三峽

之內其地則漢中通川巴川清化洋川順政河池益昌

咸安盛山始寧南平符陽潯山房陵南賓南浦雲安蜀

郡唐安濛陽德陽通義梓潼巴西普安閬中資陽臨邛

通化交川越嶲南溪遂寧仁壽犍為廬山瀘川陽安安

岳江源陰平同昌油江臨翼歸誠洪源靜川恭

化維川和義雲山蓬山雲安南充等郡是也

書門下及度支商議裁減估價兼釐革利害速具條件

聞奏削去苛刻前漢成帝紀詔曰凡事恕已毋行苛刻止塞姦訛務於利

人必稱朕意

賜京畿及同華等州百姓種子賑給貧人詔通鑑音注

唐以京兆同華
商邠岐爲京畿

春陽布和萬物暢茂實兆庶樂生之日農夫致力之時

今茲吾人則異於是迫以荒饉愁怨無憍有離去井疆

書殊厥厥業於庸保史記高漸離變姓名爲人庸保纁布

井疆稱也傳注庸受顧也韋昭曰保庸南方奴有乞丐途路困於死亡鄉閭依然烟火斷絕種餉

既乏農耕不興若東作僊時西成何望爲人父母得不

省憂雖國計猶虛公儲未贍濟人之急寧俟盈豐罄其

有無庶拯艱厄京兆府百姓並宜賜種子二萬碩同華

州各賜三千碩陝號兩州賜四千碩委州長吏卽於度

支計會請受差公清仁恤之吏與縣令親至村閭隨便
給付仍加勸課勿失農時應諸倉所有遠年粟麥宜令
節度更分二萬碩京兆尹卽差官逐便般載賑賜貧人

後漢安帝紀詔以宿
麥不下賑賜貧人先盡鰥寡孤惇目下不濟者務令

均給全活流庸嗚呼朕德之不敷誠之不感上帝降割

書弗弔天降割于我家蔡注言
我不爲天所恤降害于我周家丁寧厥躬詩上帝不臨
耗斃下丁寧

丁我躬傳丁當也集傳引或說云與其耗斃
下土寧使灾害當我身也與此詔引用同意元元何辜

史記文帝紀以全天下元元之民索隱曰戰國策云制
海內子元元高誘注云元元善也又案姚察云古者謂

人云善人也因善爲元故云罹此灾害思欲拯救未知

黎元其言元元者非一人也

其方長人之官寄任斯重所宜極慮與我同憂勉敷惠和以育疲瘵佇聞良術稱朕意焉

賜將士名奉天定難功臣詔

續通典唐元宗平內難賜衛士葛福順等

為唐元功臣不過十數人德宗駐蹕奉天及幸山南賜從駕立功將校為元從奉天定難功臣谷口以來元從將士賜名元從功臣及僖昭頻年播遷功臣差多至後梁後唐徧及成卒非賞典也

國家受天明命平一宇內自武德迄於天寶百四十載海內無事崇德廣化澤浸生人時洽和平俗登富教鰥寡孤獨咸得其所鳥獸魚鼈亦罔不寧

書鰥鳥獸魚鼈咸若凡今

有生實賴亭育羯虜伺閒

後漢吳漢傳論戎羯喪其精膽注羯本匈奴別部分散居

其上黨武鄉羯至因號羯胡

盜起幽燕率土之人莫保性命肅宗以

神武戡大難

唐書肅宗紀祿山反元宗避賊行至馬嵬父老遮道請留太子討賊元宗許之

先

朝謂代

以仁德紹興運區域再造

唐書郭子儀傳子儀破安慶緒收東都入

朝帝遣具軍容迎灞上勞之曰國家再造卿力也

億兆再康室家離析而復安

子孫煦嫗而相長

樂記天地訢合陰陽相得煦嫗覆育萬物注氣曰煦體曰嫗疏言天體無

形而降其氣以養物故云氣曰煦地體有形故云體曰嫗

勞來安集

詩序鴻雁美宣王也萬民離散

不安其居而能勞來還定安集之至於矜寡無不得其所焉

垂三十年則我列聖之

於天下惠澤深矣朕以寡昧祇膺寶歷

隋書煬帝紀詔曰朕肅膺寶歷

纂臨萬邦

常恐不克負荷罔敢怠荒道有未明事多乖謬羣

情壅而不達大信鬱而不彰兩河之間羣盜連禍朕務

除大患靡憚暫勞

西京賦暫勞未逸無為而治

是以興有征之師問

干紀之罪昨以涇原士徒將赴汝郊失於撫綏致使潰

叛

注見制誥一卷

朱泚乘釁因構異圖肆其狼心誘我蝨賊謂

君可叛謂天可欺縱恣凌悖無所愧畏朕失守宮闕出

次郊畿九廟震驚萬姓奔駭內省思咎外顧懷慚罪實

在予不敢自蔽意者宗社降祐大儆於朕躬夙夜殷憂

劉琬勸進表或多難以國或殷憂以啓聖明

庶乎有補實賴股肱心膂書君

牙今命爾子翼作股
肱心膂蔡注膂脊也
勵從戎之節方岳將校集勤王之

師赴難如歸見危思奮堅貞勵操何日忘之平巨猾者

必仗羣雄北史酷吏傳序大賞茂績者不限彝典晉書荀凱

傳歷司內外保勳庸於帶礪傳爵邑於子孫崇功美名
茂績既崇

與國終始其諸軍使應到奉天縣將士等宜並賜名奉

天定難功臣食實封者子孫相繼代代無絕身有過犯

遞減罪二等子孫有過犯遞減罪一等當戶應有差科

徭役一切蠲免其功臣已後雖衰老疾患不任軍旅者

當分糧賜等並與全給身死之後回給家口十年勿絕

如有能梟擒朱泚者

說文曰至捕梟磔之從鳥頭在木上

卽以朱泚在身

官爵受之仍加實封二千戶朱泚所有田宅財物悉並充賜其梟擒賊大將已下并節級特加優寵仍各與實封應梟擒人所有田宅財物亦使賜之其餘立功應合授官給賞並準今年七月敕處分其今日已前身死王事者追贈官爵亦稱奉天定難功臣子孫爲功臣之家應合襲封減罪蠲免差役等一切同例宣告中外令知朕懷建中四年十一月二十三日

改梁州爲興元府升洋州爲望州詔

通鑑武田知錄漢曰郡唐

曰州州即郡也惟建都之地乃曰府唐初止京

兆河南二府武后以并州為太原府元宗以蒲

州為河中府益州為成都府肅宗以岐州為鳳

翔府荊州為江陵府德宗以梁州為興元府惟

興元以德宗行幸於此其餘皆建都之地也通

鑑音注開元中定天下州府自京都及諸都督

護府外以近畿同華岐蒲為四輔鄭陝汴懷衛

絳為六雄宋亳滑許汝晉洛魏相為十望又

有十繫其后入繫望者浸多凡商寧青汾貝趙

襄常宣皆望州也蔡徐郢楚鄂彭蜀為繫州不

及十數又以汝號鄭汴魏洋蘇為雄

蓋升雄望者既多所以繫不及十

自昔多虞

左傳以晉國之多虞北齊書順時而動古公

避狄

詩疏謂之古公言其年世久古後世兆永祚於岐

下

史記周本紀古公亶父復脩后稷公劉之業積德行義國人皆戴之熏育戎狄攻之已復攻民皆怒欲戰

古公曰有民立君將以利之今戎狄所為攻戰以吾地與民之在我與在彼何異民欲以我故戰殺人父子而君之予不忍為乃與私屬遂去豳渡漆沮踰梁山止于岐下豳人舉國扶老攜幼盡復歸古公于岐下于是古公乃貶戎狄之俗而營築城郭室屋而邑別居之作五官有司民皆歌樂之頌其德注徐廣曰岐山在扶風美陽西北其南有周原高帝徙蜀建雄圖於漢中前漢蕭何傳沛公既先定秦項羽後至欲攻沛公沛公謝之得解羽遂屠燒咸陽與范增謀曰巴蜀道險秦之遷民皆居蜀迺曰蜀漢亦關中地也故立沛公為漢王而三分關中地王秦降將以距漢王漢王怒欲謀攻項羽何諫之曰雖王漢中之惡不猶愈于死乎漢王曰何為乃死也何曰今眾弗如百戰百敗不死何為周書曰天子不取反受其咎語曰天漢其稱甚美臣願大王王漢中養其民以致賢人收王蹟用巴蜀還定三秦天下可圖也漢王曰善乃就國王蹟所興子孫是奉觀遷居於遐阻知致君之艱難劫天下

爲家不常厥邑王者所至四方會同

周禮春官大宗伯時見曰會殷見曰

崇號設都於是乎在朕遭罹寇難播越梁岷

綱目集覽梁岷

同今成都府古梁州也今西和古岷也故曰梁州溫江縣西二里有岷江故曰梁州

丞庶煩於供

億左傳寡人惟是一二父兄不能供億

武徒勤於扞衛凡百執事各奉厥

司人皆競勸物以豐給嘉乃成績

書厥有成績紀于太常

予懷不

忘今大憝已除京邑甫定將旋法駕展敬園陵眷於是

邦復我興運宐其崇大以示將來古者天子省方則問

耆老卹百姓

禮記歲二月東巡狩至于岱宗柴而望祀山川觀諸侯問百年者就見之命大師陳

詩以觀民風命市納賈以觀民之所好惡志淫好辟以頒慶賜以茂勳勞用宏布

澤之恩式慰來蘇之望書后來宜改梁州為興元府其

著置官資望一切與京兆河南府同南鄭縣綱目集覽

郡邑今興元府理縣三國魏孫資曰南鄭直為天獄中

即此一統志南鄭周褒國附庸之邑名鄭桓公歿于犬

戎其民南奔居此升為赤縣諸縣并升為畿縣通典唐

縣有國曰南鄭

繁上中下六等之差京都所見在州縣官各令終考秩

治為赤縣京之旁邑為畿縣

至考滿日放選依本資處分者壽與板授五品官後漢

傳念官人之重判用楊賜

板之恩注板詔書也仍並賜緋先已賜緋並賜紫典正

等各賜勳五轉百姓除先減放稅錢外更給復一年洋

州宜升為望州見任州官亦並令終考秩并諸縣官等

各減兩選

唐書選舉志凡選視官品高下

一歲為一選自一選至十二以定其數因其功過而增損

之無選可減者各加三階應山南西道節度下將士

唐書

方鎮表至德元載置山南

西道防禦守捉使廣德元年

升為節度使尋降為觀察

使建中元年升觀察使為節

度使與元元年兼興元尹

通鑑音注山南西道節

除扈

度領梁洋集壁文通巴興

鳳利開渠蓬十三州

從迎駕已經改官者餘並即與甄敘嗚呼古先哲王東

征西怨顧予不德重於勤人

後漢章帝紀追維先帝勤人之德底績遠圖

撫

心咎已良增愧歎宣示有衆明知朕懷

山文律尉熾宣亦洋衆則賦

山西懸關千本增重氣時人

或世盛日懸如甘香劍龍的

其壽年石象想文融野典

告再國年下年蒸麻山苗

之 燕幾河如青奇賦三韻

谷其兩道

唐陸宣公翰苑集卷第五

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

奉天遣使宣慰諸道詔

晏殊類要唐制故事王言之制有七册書制書慰勞

制書發日勅勅牒勅旨論事勅書續通典乾元元年戶部尚書李峘除都統淮南江東江西節

度觀察宣慰處置使宣慰之名始
此宣慰者宣上命以慰安反側也

古者天子巡狩之義以考國典以觀人風
禮記命太師陳詩以觀民

風在時多虞或所不暇乃命卿士使於四方問人疾苦

廉吏善惡苟副所任則如親臨在理平之時尚資勤恤

書上下勤恤國語先王非務武也勤恤民隱而除其害也當喪亂之際得無省憂朕

以不敏左傳敢告不敏攝官承乏肆於人上撫馭失道誠感未孚寇

盜繁興阻兵拒命哀哉臣庶陷於匪人顧茲田疇鞠為

茂草不念柔復遽命徂征徵發兵甲萬里必至暴露營

壘連年不息冒於鋒刃繼以死傷煢嫠無依
王篇煢單也無兄弟

也無所依也或作憚

父母廢食存者積思家之怨歿者

倍異鄉之痛又以軍費滋廣公儲不充厚取於人罔率

厥典科條互設誅歛無常農工廢棄其生業商賈咨嗟

於道路軍營日益闔井日空凋瘵日窮

詩小雅上帝甚蹈無自瘵焉爾

雅瘵病也木華海賦為凋為瘵

徭役日甚

前漢食貨志周室既衰絲殺橫作注師古曰絲讀曰徭

以財力之有限供求取之無涯暴吏肆威鞭笞督責嗷

嗷黔首

戰國策先王必欲少留而扶社稷安黔首也史記秦始皇紀二十六年更名民曰黔首應劭曰

黔亦黎黑也

控告何依

詩控于大邦毛傳控引也

怨氣上騰咎徵斯應疫

癘薦至

後漢順帝紀上干和氣疫癘為災

水旱相乘罪非朕躬誰任其

貢朕自嗣位迨今六年連兵不解已踰四稔雖本非獲

已義在濟人而事乃重勞敢忘咎已皆以朕之寡昧居

安忘危致寇之由實在於此予則不德人亦何辜愧恨

積中痛心疾首左傳諸侯備聞此言斯是用痛心疾首雖就寡人昨者改元施

令悔往布新將反側獲安則于戈日弭賦役差減則衆

庶就康還定流亡與之休息前漢景帝紀贊漢興掃除煩苛與民休息猶懼

思慮未周於庶務誠感未達於遐方一理失中一夫不

獲則何以謝天北史周宣帝紀允致人和管子為人

臣百姓通中俾代予言其在良弼書夢帝咨宜令門下火之人和

侍郎

唐書白官志門下侍郎二人正三品掌貳侍中之職通典門下侍郎秦官有黃門侍郎與侍中俱管

門下衆事無常員几禁門黃闥故號黃門其官給事于黃闥之內故曰黃門侍郎唐天寶元年改爲門下侍郎

掌侍從署奏抄駁正違失通判省事若侍中闕則監封題給驛券 同中書門下平章事

蕭復充山南東西鄂岳荆南江西淮南浙江東西嶺南

福建等道唐書方鎮表至德二載升襄陽防禦使爲山南東道節度使領襄鄧隋唐安均房金商九

州治襄州至德元載置山南西道防禦守捉使廣德元年升爲節度使領梁洋集璧文通巴興鳳利開渠蓬十

三州治梁州乾元二年置鄂岳沔三州都團練守捉使治鄂州永泰元年升爲觀察使增領蘄黃二州至德二

載置荆南節度亦曰荆澧節度領荆澧朗郢復夔峽忠萬歸十州治荊州上元二年增領涪衡潭岳柳邵永道

連九州乾元元年置洪吉都防禦團練觀察處置使領洪吉虔撫袁五州治洪州廣德二年更號江南西道至

卷之五 三

德元載置淮南節度使領揚楚滁和壽廬舒光蘄安黃
中沔十三州治揚州至德元載升五府經畧討擊使爲
嶺南節度使領廣韶循潮康瀧端新封春勤羅潘高恩
雷崖瓊震儋萬安藤二十二州治廣州開元二十一年
置福建經畧使領福泉建漳潮五州
治福州浙江東西注見制誥四卷

率乃職敬敷朕命慰命征戍勞徠困窮訪其所安察其

所弊淹滯必達左傳楚子使然丹簡上國之兵于宗冤

濫必申晉書王渾傳可令中書指宣明詔無憚幽遠而

不被無略細微而不恤泊乎編氓比屋咸若朕之躬親

股肱惟良予則有賴其諸道將士並准今年正月一日

制嚴備疆界勿使侵擾仍各令本使本將速具名銜等

聞奏悉與甄敘其殊功勁節超越常倫汪淹詩高步超常倫別條

狀績當特優獎百姓除每年兩稅定額外自餘徵率一

切並停課勸農桑各令安業寇難既定漸息干戈朕當

躬先簡約庶務節省兩稅之內亦更減除其諸道事緣

急切須處分者即與所在節度觀察使商議裁度務合

便宜前漢婁敬傳臣願見上言便宜其餘利害還日條奏朕當詳省以

擇厥中宣布遠邇咸使聞知

收復京師遣使宣慰將吏百姓詔

朕獲承先顧梁武帝紀中興元年十二月己卯高祖入屯閱武堂下赦令曰吾身籍皇宗曲荷先

顧

付以大器

荀子國者天下之大器也重任也

懼德不類貽列聖羞

恭惕厲

書怵惕惟厲中夜以興思免厥愆

罔敢暇逸將欲立法齊一致

俗和平小信未孚衆心遂阻事理乖當百度失中

書百度維

貞

君臣之間鬱堙不達致寇雖深於罪已興戎猶昧於

省躬

書惟干戈省厥躬

期靖亂以濟人反勞師而黷武行者被

殺傷之苦居者重齎送之勞四海騷然靡有寧處京輦

之下杼柚其空環列之中

左傳且掌環列之尹注宮衛之官

遣戍始盡

略內以勤遠居安而忘危賊臣誘姦乘閒竊發豺狼穢

於宮闕士庶陷於塗炭作威肆戮仇視我人萬姓嗷嗷

呼天罔告有殞路以抗節有脅從以假命且一夫不獲

辜寔在予朕君臨萬邦作人父母既不克覆育又從而

咎之其心愧恥一食三歎晉語魏獻子將食閻明叔退

舍內訟介於梁岷庶乎有瘳以答遣戒皇天悔禍宗社

降靈腹心爪牙奮謀宣力元惡稔慝脫身逃遁通鑑先

張光晟將兵五千屯九曲去東渭橋十餘里光晟密輸

欵于李晟及泚敗光晟勸泚出亡泚乃與姚令言帥餘

衆西走猶近萬人光晟送泚出城還降于晟晟遣兵馬

使田子奇以騎兵追泚朱泚將奔吐蕃其衆隨道散亡
北至涇州纔百餘騎田希鑿閉城拒之泚謂之曰汝之
節吾所授也奈何臨危相負使焚其門希鑿取節投火
中曰還汝節泚衆皆哭涇卒遂殺姚令言詣希鑿降泚
獨與范陽親兵及宗族賓客北趣驛馬關州刺史夏

侯英拒之至彭原西城屯其將梁庭芬
射泚墜坑中韓旻等斬之詣涇州降
餘黨歸誠率衆

欵附掃氛沴而闢閭闔離騷經吾令帝閭闔開關兮倚翦

鯨鯢以清郊原古今注鯨魚者海魚也大者長千里小

就岸邊生子至七八月導從其子還大海中鼓浪成雷

噴沫成雨水族驚畏皆逃匿莫敢當者其雌曰鯢亦長

千里眼為明月珠左傳取其鯨鯢而封之函夏載寧前

注鯨鯢大魚名以喻不義之人吞食小國漢

楊雄傳以函夏之大漢兮彼曾何足與比功注服

虞曰函夏函諸夏也師古曰函包容也讀與含同室家

相慶非將士夾輔王室非卿士交脩予違軍旅叶心畢

命盡敵豈伊寡昧克復興戡定大難載感予懷空令

吏部侍郎班宏充上都宣慰使勞問將士撫綏烝黎招

輯流亡慰安反側朕續整飭法駕擇日還京告謝於祖

宗請罪於天地策勳行賞大報忠烈銘功永代周禮夏官司勳

凡有功者銘書于王之太常祭于大烝司勳詔之 注銘

之言名也生則書于王旌以識其人與其功也死則于 祭之烝先王 與國同休明宣朕懷咸使知悉

平淮西後宴賞諸軍將士放歸本道詔

朕纂奉丕業託於人上仁不被物義不勝姦頌聲茂聞

暴亂連起叛臣希烈竊據淮沂誠則彼夫無良亦由朕

之不德撫御之道失之於初師旅一興絲聯莫解服勞

者從役不暇受汚者無路自新旱蝗相乘穀糴翔貴兵

氓餒死十室九空通邑化爲丘墟遺骸遍於原野每念

及此傷心涕流且自昔勞師靡有不悔以虞舜之聖屈

於苗人見書大禹謨又史記五帝本紀注左傳云自古

苗之國左洞庭而右彭蠡今漢武之強弊於戎虜注詳

江州鄂州岳州三苗之地也見奏

議七卷又顧炎武日知錄虜者俘獲之稱自南

北朝以後其名遂以加之北翟亦習而不察也矧乎德

猶不逮力或未全我其永懷求己自警乃者下哀痛之

詔布寬大之恩普天載新殊死必宥莊子在宥篇殊死

日殊斷也司馬云決也一曰誅然尚勞師旅作扞邊陲

也前漢宣帝詔赦殊死以下

左傳成十三年有累歲棄離家室有經時不解甲冑忠

虔劉我邊陲

雖爲國咎實在予君人若斯寧不知愧賴節將士旅一
其誠心雷發武威慎固疆宇遠人思服元惡就誅烝黎
方致於安寧役戍未期於休息懋官以旌善錫晏以勞
功賞不踰時式遵彝典都統檢校司空同中書門下平

章事劉從一

通鑑音注新志曰天寶末置天下兵馬元帥都統朔方河東河北平盧節度使都統

之名始于此又洪邁曰唐節度帶檢校官其初只檢校散騎常侍如李愬在唐鄧時所稱者也後乃轉尚書及僕射司空司徒能至此者蓋少余按唐制太師太傅太保爲三師太尉司空司徒爲三公若唐末固亦有加太師者唐至睿宗之末邊鎮置節度使如薛訥等已是後來使相之職其帶御史大夫中丞六曹尚書者僕射侍中中書令者宜與子孫一人五品正員官鄭滑節度使往往有之

檢校尚書右僕射李澄檢校兵部尚書曲環唐書曲環傳李希烈

陷汴州環守寧陵戰陳州斬賊檢校戶部尚書李臯唐

三萬五千級禽其將翟崇暉

典貞觀二十三年太宗諱兼御史大夫樊澤等唐書

始改民部尚書為戶部尚書

傳澤數與李希烈確禽票將張嘉瑜杜文

朝梁俊之等賊氣沮縮遂取唐隋二州 並與子孫一

人七品正員官都防御使工部尚書御史大夫賈耽都

團練使檢校左散騎常侍唐書百官志門下省左散騎

案散騎常侍本二官皆秦置也漢官云秦置散騎又置

中常侍漢因之無常員多以為加官東漢省散騎之職

而中侍改用宦者齊職儀云魏文帝復置散騎之職以

中常侍合為一官除中字直曰散騎常侍置四人典章

表詔命手筆之事唐貞觀初惟置散騎常兼御史大夫

侍二人隸門下顯慶中又置二人隸中書

盧元卿兼御史大夫張建封等唐書張建封傳希烈數敗工師張甚淮南節度

使陳少游陰附之希烈遣將楊豐齎偽敕二畀建封少

游豐至建封縛至軍中會中人來對之斬其首因送偽

書于行在希烈又署杜少誠為淮南節度使約破壽

州以趣江都建封壁霍邱秋柵拒之賊不能東並

與子孫一人八品正員官檢校司空同中書門下平章

事李抱真檢校司空同中書門下平章事李納檢校尚

書右僕射同中書門下平章事韓滉檢校工部尚書御

史大夫田緒咸遣士旅遠赴行營同討不庭厥有成績

抱真納澆宐並與子孫一人七品正員官緒與子孫一

人八品止員官應與淮西接界州縣本界鎮守及諸道

赴行營將士等宜共賜物三十萬端凡通鑑音注唐制賜十段其率

絹三疋 布三端 綿四屯 若雜絲十段則絲布二疋 紬二疋 綾二疋 縵四疋 若賜蕃容錦絲率十段則錦一張 綾二疋 縵四屯 凡時服稱一具者全給之一副者

減給之 止冬之會稱賜束帛有差者五品已上五匹六

品已下 一匹命婦祝其 以充賞設度支即約據界首及行營軍

額分配 疋數逐便支送仍委本道都統節度防禦都團

練使即餘錄功第名銜聞奏並與甄敘其行營將士仍

各放歸本道明加宣諭令悉朕懷

授王武俊李抱真官封并招諭朱滔詔

三公之職論道經邦書周官立太師太傅太保茲惟三公論道經邦變理陰陽序五

行之和

書洪範天乃錫禹洪範九疇初一日五行一曰水二曰火三曰木四曰金五曰土百虎通言行

者欲言為天

任百事之理歷代崇重不常厥官

初學記漢官儀

云武王克殷作周官立太師太傅太保為三公太師在

太傅上太保次太傅無不總統秦漢之際並無其官至

高后唯置太傅漢末以大司馬大司徒大司空為三公

立師傅保之官位在三公上崇號為上公東漢以後皆

以太尉司徒司空為三公師傅保常曰上公後魏書官

氏志云後魏尊師傅保為三師五代史百官志云北齊

因後魏亦曰三師後周依周禮又以師傅保為三公隋

初又為三師自漢魏以來皆開府置寮屬至隋省寮屬

唐書百官志太師太傅太保各一人是為三師太尉司

徒司空各一人是為三公皆正一品三師天子所師法

無所總職非其人則闕三公佐天子理陰陽平

邦國無所不統親王拜者不親事祭祀闕則攝

天祚皇

家茂生才傑比義齊列同寅協恭

書同寅協恭和衷哉

以德允台

階之望史記天官書魁下六星兩兩相比者名曰三能

三能色齊君臣和不齊為乖戾蘇林曰能音合

索隱曰案漢書東方朔願陳泰階六符孟康曰泰階三

合也凡六星六符六星之符驗也應邵引黃帝泰階六

符經曰泰階者天子之三階上階上星為男主下星為

女主中階上星為諸侯三公下星為卿大夫下階上星

為士下星為庶人以勳當井賦之賜周禮小司徒乃經土地而

井為邑四邑為邱四邱為甸四甸為縣四縣為都以任

地事而令貢賦凡稅斂之事注九夫為井者方一里九

夫所治之田也賦謂出車徒給繇役也

梁簡文帝表復早建茅社夙開井賦 聿應並命式副

具瞻開府儀同三司檢校司空同中書門下平章事使

持節恆州諸軍事守恆州刺史唐書地理志鎮州常山

郡大都督府本恆州恆

山郡屬河北道通鑑音注恆戶登翻充成德軍恆冀深

漢常山郡唐置恆州因恆山為名

趙等州節度觀察處置等使

唐書地理志冀州信都郡深州饒陽郡趙州趙郡俱

屬河北道通典今之冀州古冀充二州之域漢置信都

國後漢更名樂成國漢末兼置冀州唐為冀州或為信

都郡續通典深州以州城西故深城名州趙州周穆王

封造父于趙城即此也後魏置趙郡隋大業初置趙州

瑯邪郡王王武俊

唐書地理志沂州瑯邪郡屬河南道通典沂州春秋時齊魯二國之地秦

後周改為沂州隋復為瑯邪郡

秉志沉密

南史徐羨之傳沉密寡言

不以憂喜見色臨事能斷忠而致力勇且有仁奮發之初渠魁

即戮

通鑑綱目王武俊為左右所構惟岳疑之未忍殺也東鹿之戰使為前鋒武俊自念今破朱滔則惟

岳軍勢大振歸必殺已故戰不甚力而敗惟岳將康日

知以趙州歸國惟岳益疑武俊或曰武俊勇冠三軍今

危難之際復加猜阻欲使誰却敵乎惟岳以為然乃使

武俊擊趙州又使其子士真將兵宿府中武俊既出謂

衛常寧曰今幸出虎口當北歸張尚書常寧曰大夫藉
弱終為朱滔所滅且天子有詔誅之中丞為眾所服倒
戈以取之轉禍為福如反掌耳武俊以為然遂引兵還
襲惟岳士真納之武俊令曰大夫叛逆將士歸順敢拒
者族眾莫敢動遂執危疑之際大節首彰開府儀同三
司檢校尚書左僕射同中書門下平章事潞州大都督

府長史通鑑音注武德九年六月廢大行臺置大都督

督從二品長史從三品司馬從四品中州都督正三品

別駕正四品長史正五品上司馬正五品下下州都督

從三品別駕長史司昭義軍唐書方鎮表大歷元年相

馬亦皆遞降一品澤潞磁邢等州節度觀察處置唐書

節度建中元年兼領澤潞二州治潞州

地理志澤州高平郡潞州上黨郡屬河東道惠州本磁

州天祐三年以磁慈聲二更名邢州鉅鹿郡屬河北道

通鑑音注澤州漢高都端氏
氏之地取漢澤為名潞

州春秋潞子國秦漢為上黨郡後周立潞州以其浸汾

潞為名武德元年以相州之滏陽臨水成安置磁州以

其地產磁石名州續通典邢州禹貢衡漳之地春秋邢

侯之國邢遷于夷儀即其地秦置度支營田等使通鑑

信都郡隋置邢州取古邢國為名度支營田等使音注

唐制凡天下邊軍皆有支度使以計軍資糧仗之用節

度不兼支度者支度自為一司其兼支度者則節度使

目支度凡邊防鎮守轉運不給則開上柱國符陽郡王

置屯田以益軍儲于是有營田使

李抱真唐書地理志集州符陽郡屬山南道通典集州

置東巴州後改為集州後周兼置平桑郡隋併質重氣

其地入漢川清化二郡唐置集州或為符陽郡

和內精外朗智窮變化守必以常學本明誠動有攸利

謀猷屢告規益孔多皆戮力盡瘁

書聿求元聖與之戮力諸葛亮出師表臣

羈罟盡瘁 志匡王室陳師鞠旅同討不庭仗大義而萬
死而後已

衆吐心體至公而千里同契合軍於呼吸之際魏志曰

樂毅攻齊呼吸通鑑綱目朱滔攻貝

下齊七十餘城 決策於指揮之間州百餘日馬寔攻魏

州亦踰四旬皆不能下賈林復為李抱真說王武俊曰

朱滔志吞貝魏復值田悅被害儻旬日不救則魏博皆

為滔有矣魏博既下則張孝忠必為之臣滔連三道之

兵益以回紇臨常山明公欲保其宗族得乎常山不守

則昭義退保西山河朔盡入於滔矣不若乘貝魏未下

與昭義合兵救之滔既破亡則朱泚不日梟夷變與反

正諸將之功孰居明公之右者哉武俊悅從之軍于南

宮東南抱真自臨洛引兵會之兩軍尚相疑抱真以數

騎詣武俊營命行軍司馬盧元卿勒兵以俟曰今日之

舉繫天下安危若其不還領軍事以聽朝命亦惟子屬

將士以雪讐恥亦惟子言終遂行是武俊敘國家禍難

天子播遷持武俊哭流涕縱橫武俊亦悲不自勝左右

莫能仰視遂與武俊約為兄弟誓同滅賊抱真退入武

俊帳中酣寢久之武俊感激待之益恭指心仰天曰此

身已許十兄死並轡載馳執桴親鼓左傳左并轡右援

矣遂連營而進浮鼓槌也字林云擊兕徒殄殪河右廓清抱真王武俊

鼓柄也本亦作桴距貝州三十里而軍滔聞兩軍將至急召馬寔或謂滔

曰武俊善野戰不可當其鋒宐徒營稍前逼之使回紇

絕其糧道我坐食德棗之餽依營而陳利則進攻否則

入保待其饑疲然後可制也會寔軍至滔命明日出戰

寔請休息數日回紇達干見滔曰回紇受大王駐馬高邱觀

酒無算思為大王立效久矣明日願大王駐馬高邱觀

回紇為大王翦武俊之騎使匹馬不返滔遂決意出戰

武俊遣其兵馬使趙琳將五百騎伏于桑林抱真列方

陳于後武俊引騎兵居前與回紇戰趙琳自林中出橫

擊之回紇及滔軍皆敗走抱真武俊合兵追之滔與數

千人走還夜

國家無北顧之虞姦慝阻南侵之計時乃

交營遁歸

同德厥功茂焉敷五教而阜人

書敬敷五教

均九土以居衆

宋玉賦周覽九土足歷五都潘岳賦九土之宐弗任四人之務不一

俾爾更踐備揚鴻休

乃加真實以貽後嗣武俊可檢校司徒同中書門下平

章事抱真可檢校司空同中書門下平章事賜寔封五

百戶嗚呼古人有言曰唯理亂在庶官矧唯輔臣與國

同體明朕德命爾其欽承朕嗣位不明輕費尚力謂武

可以靖暴慢謂刑可以懲姦邪德之不脩亂是用長士

馬疲耗烝庶流離罪非朕躬誰任其咎自去歲遭變再

經播遷歷山川之險艱知軍旅之勞苦唯省前過悔恨

盈懷追遠事而不及庶後圖之可補以九廟為重而不

憚屈身以百姓為心而不專私欲苟可以保安社稷休

息甲兵宏濟蒼生蠲省徭賦含垢忍恥予無難焉朱滔

受任薊門

綱目集覽薊與鄴通音計廣陽郡邑屬幽州道按地理志秦漁陽郡也水經注武王封堯

後于薊今城西北隅有薊邱因邱以名邑也一統志薊秦之縣名屬漁陽郡唐置薊州取古薊門關以名在今

順天府

累著誠績委遇既重封秩亦崇

唐書朱滔傳李惟岳拒命滔與

成德張孝忠再破之東鹿取深州進

臣節中虧自貽伊

阻洎賊泚僭竊上京兄弟之親在法無赦朕以罪不相

及情有可原待以如初之誠廣其自新之路執迷不復

固敗是求蹙喪而歸既困方悟累獻欵疏深陳懇誠

唐書

朱滔傳滔已敗不能軍是還幽州上書待罪

省之惻然良用憫歎雖將相嫉

惡之志固所難容以君上懷柔之情未忍拒絕且善莫

大於改過德莫盛於好生叛而伐之服而舍之銷難愛

以實唯朕志宜委武俊抱真開示大信明加曉諭若誠

心益固善蹟克彰朕當掩襲錄勳與之昭雪宣告衆庶

咸使聞知

招諭淮西將吏詔

朕臨御以來

晉書褚丘傳當陽親覽臨御萬國

連兵不息自經播越方

歷險艱耳聞擊鼓之聲

樂記君子聽鼓擊之聲則思將帥之臣

出視殺傷

之苦由是覺悟悔於興師既省己以知非亦欲人之遷

善至乃歲有再赦事有屢言務於撫綏不憚煩冗冀厭

之誠信日布冀人之患難日除每議用兵惻然不忍而

賊臣希烈煽禍滔天虐用其人仇視厥衆狼子多忌

語

人有言曰

梟性無親

詩旄邱疏釋鳥云鳥少美長醜為鴟鴞陸璣云流離梟也其子適長

大還食其母流與鷓鴣

以芟伐立威

唐書李希烈傳希烈資慘害臨戰陣殺人

離與鷓蓋古今字血流于前而飲食自若也以故人畏服為盡死乘襄城

之捷進攻沐州入之運土木治道怒不如程驅人填塹以猜刻為志朝為昵比夕為仇讐肆其芟夷蔑若

稍

草芥夏侯湛東方朔書像憑陵汝海左傳今陳介恃楚衆以馮陵我敝邑

流血盈川侵軼浚郊詩子子干旌在浚之郊通鑑音注

入濟地理考浚水出浚儀東逕邾地積骸遍野農耕廢業

并邑成墟積彼妖氛發為災癘蕭條千里無復人煙朕

哀彼生靈陷於塗炭苟存拯物不難屈身故於首春特

布新令赦其殊死待以初誠使臣纔越於郊畿巨猾已

聞於僭竊通鑑李希烈自恃兵疆遂謀稱帝遣人問儀于顏真卿真卿曰老夫嘗為禮官所記惟諸

侯朝天子禮耳希烈遂即皇帝位國號大楚以其黨鄭

費為侍中孫廣為中書令李緩李元平同平章事本注
考異曰希烈稱帝實錄舊希烈傳顏真卿傳皆無年月
合據奉天記幸奉天錄皆云赦令既行諸方莫不向化

惟李希烈長惡不悛又寔錄今年閏月庚午詔曰朕于歲首特布新令赦其殊死使臣纔及于郊畿巨猾已聞于僭竊然則希烈稱帝必在正月初也酷烈滋甚吞噬無厭將相大臣咸

懷憤激繼陳章疏固請除討朕以所行天誅本去人害

兵戈既接玉石難分言念忠良遭罹脅制雖欲却陳臣

節厥路無由受污終身銜冤沒代淪胥以逞誠足痛傷

宜令諸道節度使每欲進軍先加曉諭今所致討唯止

元兇其餘脅從一切不問如能去逆効順因事建功明

設科條以示褒勸其有以一州降者便授刺史封異姓

王賜實封五百戶以一萬人已上降者授刺史封國公

賜寶封三百戶

通典唐制皇兄弟皇子為王皆封國之親王其庶姓卿士功業特盛者亦封郡

王自至德元年至大歷三年封異姓為王者凡百一十

二人其次封國公其次有郡縣開國公侯伯子男之號

亦九等並無官土其加實封者其餘各據功效節級甄

則食其封分食諸郡以租調給

升列爵建官以俟能者朗然明信朕不食言宣示遠人

各令知悉

招諭河中詔

朔方諸軍應在河中絳州朝邑將士等

通鑑音注後魏分馮翊置澄城

郡仍置南五泉縣西魏改為朝邑縣隋唐屬司州

並以義烈繼代勳業冠時艱

虞已來常濟國難肅宗代宗再復京邑皆是朔方將士

之功通鑑音注天寶十四載安祿山反郭子儀李光弼

亦簡冊方軍以成功去歲朕在奉天兇黨攻逼解圍

赴急亦賴此軍言念爪牙情均骨肉濟朕危厄感之豈

忘頌以懷光背恩自生猜阻傳雅猜阻疑也熒惑將士劉向封

耳目感移心意汚脅忠良朕頻降詔書再三曉諭皆被

懷光隱匿兼亦志有加誣朕之誠懷竟未宣布夙夜自

愧寢食不安時屬嚴凝禮記天地嚴凝之氣始於西南

嚴凝屢頒衣賜豈以懷光一人拒命遂令將士俱不沾恩

唐書李懷光傳度支欲罷其軍歲中稟賜帝曰朔方軍

累有功豈以懷光拒命而衆不被恩耶詔所司別貯緣

錢須事定乃給朕於功臣義存終始其朔方及諸軍應在河中

絳州朝邑將士等今年春冬衣賜並准二月二十一日

勅緣赴奉天解圍功臣等第給錢物宐令所司並許計

料別收貯待道路通流即當時支遣其有歸順者續給

其將士等有先賜實封一切准元勅並州給牒委馬燧

渾瑊逐分送付其差人請受仍明加宣諭招撫務令忠

義之士各悉朕意

安撫淮西歸順將士百姓勅

李希烈首亂淮濱

詩大雅鋪 致淮濱

又侵滎汴

書禹貢蔡注滎水名濟水自今

孟州溫縣入河潛行絕河南溢爲滎在今鄭州滎澤縣

西五里敖倉東南通鑑李希烈攻李勉於汴州勉城守

累月外救不至將其衆萬餘人奔宋州滑州刺史李澄

以城降希烈劉洽遣其將高翼保襄邑希烈攻拔之

兇威所及罔不脅從百姓既罹於網羅魏志袁紹傳注

足陷機陷將士兼質其家口哀我衆庶銜冤莫伸雖欲歸降

何由自達朕爲人父母不克保安遂使忠良橫遭脅汚

與言憫悼思惻深衷今王師四臨所至剋捷將士百姓

歎服甚多或棄其鄉園或損其家族脫身效節良有可

嘉特宐撫綏以獎成效應淮西界內及鄭汴等州唐書地理

志鄭州滎陽郡汴州陳留郡屬河南道通典鄭州號鄆

之地鄭武公與平王東遷武公滅兩國而遷都焉秦屬

三川郡漢屬河南郡後周置滎州後改爲鄭州隋置
管州煬帝初復爲鄭州尋廢州置滎陽郡唐因之

將

士歸順者委所在節度防禦等使便與收管切加存恤
優給資糧仍各具名銜聞奏當與甄獎並給遣衣賜其
百姓從賊界內歸順者亦委所在觀察使刺史量以本
道諸色錢物賑給令得存濟如情願便住者卽配與死
戶田宅使營生業若欲赴諸州縣者隨其所之當時給
文牒發遣不得止遏所至之處准前優賞率土之內莫
非王臣雖陷寇中諒非獲已但能效順卽是平人務於
招綏副朕所恤

甄獎陷賊守節官詔

沮勸二柄

左傳賞罰無章何以沮勸侯志

國之大綱獎

善懲違固不可廢頃者賊臣構亂京邑震騷惟茲土人
奔竄無所或從其誘脅遂染汚名或守以純誠竟全貞
節昨所司奏議但舉刑章坐累者各已條疏守節者並
未甄異忠正而不報豈朕意焉應在京百司及京兆府
長安萬年兩縣去年十月三日見在職事官在城陷於
賊中潛藏不受逆命並諸色前資官被僞署官爵頻遭
迫脅首末不出事跡昭著衆所明知者並委御史臺訪

察勦覈其事勿容虛濫仍限今月內具名銜事跡聞奏
五品已上及常叅官已授替者委中書門下與處分六
品已下各減三選不拘考例聽集其未得資被替非時
放選仍稍優與處分如已喪亡者並與追贈使恩加存
歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇
日行有期矣議者多以大盜之後人勞匪居懼愆歲功

前漢律歷志立開
定時以成歲功

請候農隙若俯順羣議則私懷不安

將祇率典章又疲吐重擾夙夜憂惕固知所裁空令中
書門下與常叅官卽詳議折衷聞奏

不許諸軍侵擾勅

李希烈阻兵淮右虐害烝人朕哀憫無辜橫遭脅制若

興師行伐則玉石俱焚所以頻下詔書再三開諭

易再
三讀

書至于再
至于三

曾無悛革但益憑陵忠勇之徒皆思奮激朕

悔於征伐務在含容

陳琳檄加緒含
容冀可彌縫

以一夫無良遂百

姓罹禍安人忍恥初是素懷今東作方興麥秋在近

禮記

孟夏之月麥秋至注秋者百穀成熟之
期此于時為夏于麥則秋故云麥秋也

儻行侵抄深害

農功一方之人實足矜憫應與淮西接界州縣各委本

道都統節度都防禦團練等使明申前勅嚴設提防務

使農人遂其耕穫賊若不先侵軼但自保守封疆勿令

越境暴犯田苗及有侵掠左傳藥盈出奔過于周周西鄙掠之注音亮奪也務

宣朝化以洽遠人仍於所在界首明加招諭咸令知悉

放淮西生口歸本貫勅綱目集覽生口謂生獲之人

遷徙家鄉分離骨肉有生之酷莫甚於斯朕撫育兆人

冀臻理道懲過不可以不罰原情不可以不矜將推內

恕之心用廣自新之路應從李希烈作亂以來諸道所

有擒獲淮西生口配隸嶺南黔中等道宐一切釋放歸

本道其投降人等權於諸州縣安置者亦任各從所適

嶺南注見卷內唐書地理志黔為鷄尾分屬江南道其

黔辰錦施敘獎夷播思費南溪溱十三州隸黔中採訪

使治黔州通典貞觀初并省州縣始于山河形便分爲

十道開元二十一年分爲十五道置採訪使以檢察非

法江南道分爲江南東江南西黔中三道黔中郡黔州

古蠻夷之國春秋戰國皆楚地通謂之五溪謂辰

酉巫武陵等五溪也古老相傳云巴子兄弟五人各爲

一溪長一說云皆槃瓠子孫非巴子也秦屬黔中郡漢

屬武陵郡後

周改黔州

令諸道募靈武鎮守人詔

唐書地理志關內道靈州靈武郡大都督府分

注有朔方軍經畧軍黃河外有豐安定遠新昌等軍豐寧保寧等城通典靈州秦屬北地郡後

魏太武帝平赫連昌置薄骨律鎮在河渚上舊是赫連果地至明帝置靈州初在河北後于果園所築城以為州今郡是也

朕以寡德

晉書元帝紀詔曰惟朕寡德繼我洪緒若涉大川罔知攸濟

君臨兆人憂

四鄙之不寧懼一物之失所降心以懷戎狄期息征徭

極慮以綏烝黎冀遂安輯今諸夏岳牧咸能撫封九姓

可汗薦克敦好

唐書回紇傳九姓者曰藥羅覆曰胡咄葛曰

葛薩曰斛噏素曰藥勿葛曰溪邪勿通鑑綱目貞元三年九月回紇求和親許之四年九月回紇可汗遣其妹

及大臣妻來迎可敦辭禮甚恭曰昔為兄弟今為子壻半子也若吐蕃為患子當為父除之仍表請改回紇為

回鶻

寘瀛之內

魏都賦殷殷寘內繩繩八區而史梁紀論聲振寰宇澤流遐裔史記孟荀列傳

鄒衍以爲中國名曰赤縣神州中國外如赤縣神州者九於是有所神海環之乃有大瀛海環其外

其謂

小康愛人雖發於朕心濟理寔由於藩輔

更記禮

善諸

一例古今

豈惟菲薄所致於茲然獨吐蕃負恩

唐書吐蕃傳吐

蕃本西羌屬蓋百有五十種散處河湟江岷間有發羌

唐旄等然未始與中國通居析支水西祖曰鶻提勃悉

野健武多智稍並諸羌據其地蕃發聲近故其子孫曰

吐蕃而姓勃宰野或曰南涼禿髮利鹿狐之後二子曰

樊尼曰僂檀僂檀嗣爲乞佛熾盤所滅樊尼挈殘部臣

沮渠蒙遜以爲臨松太守蒙遜滅樊尼率兵西濟河逾

積石故撫

有羣羌云背盟棄約尚勞師旅備禦西陲亦賴方岳同

心簡練傑俊助其防鎮遏彼奔衝數年以來邊境寧謐

唐書褚遂良傳內外寧謐

乃眷靈武實惟雄藩

通典朔方節度使理靈武郡管兵六萬四

千七百人馬萬四千三百匹衣賜二百萬匹段前漢嚴延年傳扼東牧之咽喉河南天下咽喉

師古注咽喉言其所在襟要如人體控北門之管鑰禮

之有咽喉也後漢馬援傳搃其咽喉地官司門掌授管鑰以啓閉國門注管謂籥也鑰謂牡

疏云以入為牡容者為牝也唐書郭子儀傳大歷九年入朝帝與語吐蕃方疆退上書曰朔方國北

門西禦犬戎北虞獫狁五城相去三千里軍懸寇邇地遠勢孤通鑑音注靈州在京師雖無交切之虞須建

久安之策朕屬慮於此殆今累年晨思廢殮暮想忘寐

征兵益戍則憚其勞師移人實邊又念其離土朕欲令

萬姓各遂所安抑而使人情有不忍中懷結鬱罔知所

從古人有言主憂臣憤今朕憂矣將相牧守得不與我

同其慮哉此乃忠臣盡規之時

國語召康公曰天子聽政近臣盡規

勇士

建功之日苟宏良算必有其人宜令諸道節度觀察使

各於本管諸色人中募能赴靈武鎮守者取其情願重

設賞科仍須精選驍雄

人物志膽力絕衆材畧過人是謂驍雄白起韓信是也

薄

閑武藝

李百藥封建論習文學者尚長短縱橫之術習武藝者盡干戈戰爭之心

便以本道

諸色錢物給付仍優厚裝束發赴上都每道各據所管

州縣多少通計每州所募多不得過五十人少不減三

十人若欲將家口相隨便給資糧同發遣如有戶貫在

州者蠲免本戶差科其官健到日朕當超資與官至鎮

便替朕之此意非務廣兵欲使四方驍雄俱到塞上壯

邊城士旅之氣杜戎醜窺伺之心方岳信臣

過秦論信臣精卒陳

利兵而誰何

所當相悉勿令騷擾副我憂人

唐陸宣公翰苑集卷第六

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

册淑妃王氏為皇后文

唐書百官志凡王言之制有七一曰册書立皇后皇

太子封諸王臨軒册命則用之中書令讀侍郎持授之后妃傳德宗昭德皇后王氏本仕家失

其譜系帝為魯王時納為嬪生順宗尤見寵禮
既即位册號淑妃贈其父遇揚州大都督討姓
姻出悉得官貞元三年妃
久疾帝念之遂立為皇后

維貞元二年歲次丙寅十一月丁亥十一日丁酉皇帝

若曰乾坤合德聖人則之惟帝承天惟后配帝

前漢外戚傳

漢興因秦之稱號帝母稱皇太后祖母稱太皇太后適
稱皇后注師古曰后亦君也天曰皇天地曰后土故天
子之妃以后為
稱取象二儀
嗣續百代母臨萬邦位定於中而尊加

於外德修諸己而化被於人御於家邦所繫斯在三代

崇替靡不由之

史記外戚世家自古受命帝王及繼體守文之君非獨內德茂也蓋亦有外戚

之助焉夏之興也以塗山而桀之放也以末喜殷之興
也以有娥紂之殺也嬖妲己尚之興也以姜嫄及大任

而幽王之禽也注于褒姒予是以詢衆採賢重難茲命中壺虛位於

命歷年陰儀或虧宗事無主儀禮父醮子命之辭曰往迎爾相承我宗事注宗事

宗廟之事缺於典禮朕甚愧焉稱是徽章聿歸全德咨爾淑

妃王氏唐后妃傳唐制皇后而下有貴妃淑妃德妃賢妃是為夫人事物紀原淑妃婦官名魏明帝所

置齊末明中有司奏淑妃舊擬九棘以淑為温恭之稱妃為亞后之名進同貴妃加比三司天與淳

粹氣鍾元和含章在中發秀於外卓爾風操穆然容輝

周旋中規進退有度仁愛恭儉稟於生知詩書禮樂成

自師氏白虎通婦人所以有師何學事人之道也詩云言告師氏言告言歸國君取大夫之妾士之妻

老無子者而明于婦道又竭其孝敬祇事先朝承事無

祿之使教宗室五屬之女

遠京諧尊旨往居桂苑淑聞已彰泊奉椒塗

西都賦後宮則掖庭

椒房后妃之室漢官儀皇后稱椒房詩云椒聊之實蕃衍盈升國人美其繁以為興又以椒塗宮室亦取其溫

煖辟 惡氣謙光載路言無伐善志在匿瑕柔嘉自持 詩柔嘉維別

喜愠莫見六宮攸序

周禮天官內宰以陰禮教六宮注鄭司農云陰禮婦人之禮元謂六

宮謂后也后象王立六宮而居之亦正寢一燕寢五九教者不敢斥言之謂之六宮若今稱皇后為中宮矣

族以親

書堯典克明俊德以親九族音義九族上自高祖下至元孫馬鄭同喪服小記親親以三為五

以五為九上殺下殺旁殺而親畢矣注已上親父下親子三也以父親祖以子親孫五也以祖親高祖以孫親

元孫九也疏庾氏云由祖以親嘗屬艱迍累從行幸思

賢才以輔佐知臣下之勤勞庶績伊凝頗資內助永念

頃篋之志

詩周南采芣卷耳不盈頃篋序卷耳后妃之志也

且懷求劔之情

前漢

外戚傳

許廣漢女平君宣帝立平君為婕妤是時霍將軍有少女與皇太后有親公卿議更立皇后皆心儀霍

將軍女亦未有言上乃詔求微時故

崇位長秋前漢百

劔大臣知指自立許婕妤為皇后

表將行官名景帝中六年更名大長秋師古注秋永懷

者收威之時長者恆久之義故以為皇后官名

盛典矧惟元子貞我萬邦稽以舊章是宜從貴公羊隱元年傳

母以子貴注妾子立則母得為夫人也謹按德宗紀大

歷十四年夏五月德宗即位六月進封于宣城郡王誦

為宣王十二月立宣王誦為皇太

子即順宗也淑妃所生故曰從貴今遣太尉某官某持

節册命爾為皇后通典開元禮臨軒册命皇后將行册

一日尚舍奉御設御幄於太極殿庭陳設樂懸內外官

次侍衛警蹕竝如納后儀皇帝將出仗動太樂令合撞

黃鍾之鐘右五鐘皆應協律郎跪俛伏興舉麾鼓祝奏
太和之樂鼓吹振作皇帝出自西房卽御座南向坐符
寶郎奉寶置於御座如常樂止通事舍人引册使副入
就位太尉初入門舒和之樂作至位樂止立定典儀唱
曰再拜贊者承傳命羣官在位者皆再拜侍中前承制
降詣使者東北西面稱有制册使再拜侍中宣制曰册
某氏爲皇后命公等持節展禮宣制訖又俱再拜侍中
還侍位黃門侍郎持節西面授太尉太尉受付主節立
於使後黃門侍郎退中書侍郎引册案及琮璽綬案立
於册使東北面中書侍郎取璽持案者退自使後立於
太尉之左西面授太尉太尉受册置於案持案者退立
於使者後中書侍郎又取琮璽綬以授太尉太尉受置
於案皆如受册之儀中書侍郎退典儀曰再拜贊者承
傳羣臣在位者皆再拜通事舍人引册使出持節者前
導持案者次之太尉初行樂作出門樂止侍中前奏稱
侍中臣某言禮畢俛伏興還侍位皇帝降座侍衛警蹕
如來儀入自東房樂止通事嗚呼敬哉王教之端始於
舍人引羣官在位者以次出

內範風美關雎之化詩序關雎后妃之德也風之始雅也所以風天下而正夫婦也

詠思齊之德詩太雅思齊太任文王之母傳齊莊箋云常思莊敬者太任也乃為文王之母序太

任文王所以聖也罔懈厥位忝于前修克念有終庶無後悔奉

承休命可不慎歟

册嘉誠公主文初學記昔堯女有娥皇女英舜妹有敷手舜女有宵明燭光湯有帝

乙歸妹周武王之女嫁于陳故公主未有封邑

之號至周中葉天子嫁女于諸侯天子至尊不

自主婚必使諸侯同姓者主之始謂之公主秦

代因之亦曰公主史記云李斯男皆尚秦公主

是也漢制帝女為公主帝姊妹為長公主帝始

為大長公主後漢制皇女皆封縣公主儀服同

蕃王其尊崇者加號長公主諸王女皆封鄉亭

公主儀服同鄉亭侯自晉之後帝女依西漢曰

公主帝之姑姊妹並曰長公主自漢以來皆別置第舍府屬至隋省府屬唐神龍初又置府屬景龍末復省唐書百官志皇姑為大長公主正一品姊為長公主女為公主皆視一品皇太子女為郡主從一品親王女為縣主從二品

維貞元元年歲次乙丑六月甲子朔十二日乙亥皇帝

若曰王者以義睦宗親以禮敦風俗義之深實先於友

愛禮之重莫大於婚姻儀禮士昏禮鄭目錄云士娶妻之禮以昏為期因而名焉必以

昏者陽往而陰來日入三商為昏昏禮於五禮屬嘉禮

詩小雅昏姻之故爾雅婿之父為姻婦之父為婚婦之

父母婿之父母相謂故春秋書築館之儀春秋莊元年

為婚姻昏婚古今字

館于易象著歸妹之吉易泰六五帝乙歸妹以祉予是

外

用祇考令典率山舊章咨爾嘉誠公主

唐書諸帝公主列傳代宗十八

女趙國莊懿公主始封武清貞元元年徙封嘉誠下嫁

魏博節度使田緒德宗幸望春亭臨餞厭翟不可乘

以金根代之公主出孝友柔謙外和內敏公宮稟訓四

降乘金根車自主始

德備修禮昏義古者婦人先嫁三月祖廟未毀教于公

功教成祭之牲用魚芼之以蘋藻所以成婦順也周禮

天官九嬪掌婦學之法以教九御婦德婦言婦容婦功

後漢書皇后紀序九嬪掌教四疏邑啟封命為公主徽

德注謂婦德婦言婦容婦功也章所被禮實宐之今遣光祿大夫檢校司徒同平章事

汧國公勉謹按勉李勉也持節册命通典開元禮册公主前一

極殿如常守宮設羣官次於東西朝堂奉禮設版位於太

樂令展宮懸典儀設舉麾位如常又設文武羣官版位

五

五品以上於橫街北六品以下於橫街南文東武西俱
 重行諸親於五品之南設典儀位如常儀贊者二人在
 南少退俱西向册使立於懸北西上俱北面其日諸衛
 屯門列仗如常册使羣官等依時刻集朝堂次改服朝
 服通事舍人各引就朝堂位侍中量時刻版奏請中嚴
 飯戟近仗入陳於殿庭太樂令帥工人入就位協律郎
 入就舉麾位典儀帥贊者先入就位諸守衛之官各服
 其器服符寶郎先請寶俱詣閣奉迎通事舍人分引至
 公羣官入就位又通事舍人引册使及副使並入立於
 殿門外道東西面以俟黃門侍郎帥主節奉節及幡立
 於階仗南節在前中書侍郎先請册置於案令史降公
 服各對舉案立於節南道東西而中書侍郎立於案後
 侍中版奏外辨所由承旨索扇扇上皇帝服通天冠絳
 紗袍御輿以出曲直華蓋警蹕侍衛如常皇帝出自西
 房即御座南向坐扇開協律郎偃麾憂敵樂作符寶郎
 奉寶置於御座典儀贊拜羣官在位者俱再拜訖通事
 舍人引册使入就位册使等初入門舒和之樂作至位
 樂止立定典儀曰再拜贊者承傳册使等皆再拜侍中

進當御座前北面跪奏稱侍中臣某言册公主請命使
俛伏興又侍中少前稱制曰可退復何侍中承制降諸
使者北面稱有制册使副等俱再拜侍中宣制曰册某
公主命公等持節展禮宣制訖使副等又再拜侍中還
侍立贊禮者引册使少前黃門侍郎引主節詣册使東
北主節以節授黃門侍郎黃門侍郎持節西南授册使
跪受興付主節幡隨節立於使左黃門侍郎退贊禮者
導中書令詣册使東北面立又贊禮者導中書侍郎引
册公主册案立於中書令之右中書令於案取公主册
授册使册使跪受興置於案贊禮者引中書令與册使
俱向北退復位典儀曰再拜訖通事舍人引册使等右
旋而出持節者前導持案者次之册使等初行樂作出
門樂止侍中前跪奉稱侍中臣某言禮畢俛伏興還侍
中位所由承旨索扇扇上皇帝興太樂令撞鞀賓之
鐘右五鐘皆應鼓祝奏太和之樂皇帝降座御輿人自
東房侍衛警蹕如來儀侍臣從至閣房開樂止通事舍
人引羣官在位者以次出舉册者爾惟欽哉下嫁諸侯
及册使至長樂門外次如後儀

諒惟古制肅雍之德見美詩人詩序何彼穠矣美王姬也雖則王姬亦下嫁于
諸侯車服不繫其夫下王后一等猶執婦道以成肅雝之德也和可以克家敬可以行
已奉若茲道永孚於休懋敦王風勿墜先訓光膺盛典
可不慎歟

册蜀王妃文

通鑑音注舊志蜀州去京師三千三百三十二里唐書十一宗諸子列傳

代宗二十子蜀王遯本名遂大歷十四年始王建中二年改今名

維建中二年十一月某日皇帝若曰夫茂建親戚以敦
族固本明慎選納以厚別蕃嗣實人倫之始王教之端
也朕奉若謨訓允求淑哲賢必有象鍾慶於令門姻不

失親載光於戚里史記萬石君傳高祖召其姊為美人以奮為中涓受書謁徙其家長安中

戚里索隱曰小顏云于上有姻戚者皆居之故名其里

為戚里正韻漢制長安有戚里人君姻戚居之後世因

謂外戚故某官駙馬都尉通典奉車駙馬騎三都尉並

為戚里漢武帝元鼎二年初置騎馬

掌駙馬晉以三都尉奉朝請唐駙馬都尉從五品皆尚

公主者為之開元三年八月敕駙馬都尉從五品階宜

依今式仍借田擇交第若干女生稟柔惠習知禮則容

金紫魚袋田擇交第若干女生稟柔惠習知禮則容

德純備孝睦洽聞可以叶美好述詩窈窕淑女君子好逑輔成樂

善是用使某官某持節册命為蜀王妃通典開元禮册親王妃其日妃

氏親屬咸集使者公服乘輅備儀仗至妃氏大門之外

贊禮者延入次使主副以下俱公服使者出次典謁者

引使者持節者前導立於門西東面持節者立於使者

之北少退使副立於使者西南使二人對舉册按立於

使副之南少退俱東面主人公服以出贊禮者引立於
東階東南諸宗人立於主人東南俱西向外姻立於西
方東面皆北上如嚴於別室以俟姆服禮衣立於其右
女相者綵禮衣帥女贊者二人綵禮衣立於內寢東階
東南西面北上贊禮者公服引主人出門東西南再拜
使者不答拜謁者引使者持節者前導入門而左使副
以下從之主人立於閣外之東西面典謁引者入閣內
寢階閒南面持節者立於使者之東南西面使副立於
使者西面持册案者又立於使副之南少退俱東面女
相者引妃出障以行帷其侍從提挈如式姆左右以相
進當使者南北面立持節者脫節衣又女相引者宗人
外姻之婦人於序位之東西廂俱北上立定史舉案詣
使副前使副受册史以案退復位使副舉册授使者退
復位使者稱有制女相者曰再拜女贊者承傳妃再拜
使者讀册訖女相者曰再拜女贊者承傳妃再拜訖女
相者引妃少前傅姆進受册以退其羽儀依式俱進持
節者加節衣典謁引使者持節者前導以出俱復門外
位主人拜送於門外使者還主人入初使者出女相者

引妃 嗚呼敬之哉備禮以崇其好合起家而榮其爵位

非義信不固非溫順不親克恭匪懈則罔攸悔朕言必

復可不慎歟

册杞王妃文

唐書十一宗諸子列傳肅宗十四子杞王倓貞元十四年薨

維建中二年十一月某日甲子皇帝使某官持節册命

某官竇兢第若干女為杞王妃曰嗚呼禮以大婚崇繼

嗣本人倫之教詩言淑女配君子繫王化之綱蓋率人

成風由內及外得不采嘉耦以固盤石

前漢文帝紀宋昌曰高帝王子

弟犬牙相制所謂盤石之宗也

刑閨門以御家邦

詩刑于寡妻至于兄弟以御于家邦傳刑

法也箋御治也詳求惟難歷選茲久時乃之擇得于舊姻柔婉

稟乎天和禮樂成於家法明章婦順虔奉姆儀禮內則

從媵聽克茂鵲巢之規詩序鵲巢夫叶宜麟趾之美詩序

趾關應也其祗膺嘉禮按周禮嘉禮之別六此謂昏禮也

第二目云以昏冠之禮親成男女欽率內教淑慎厥心無替于後嗚呼

可不慎歟

告謝昊天上帝册文周禮大宗伯以禋祀祀昊天

樂以雲門元謂昊天上帝冬至于圜正所祀天

皇大帝陳氏禮書昊天上帝之名歷代不同漢初曰上帝曰太乙元始閉曰皇天上帝魏初元開曰皇皇天帝梁曰天皇大帝惟西晉後齊後

周隋肅乃曰昊天上帝而鄭氏以星經推之謂昊天上帝即天皇大帝名雖不同其實一也

維貞元元年歲次乙丑十一月癸巳朔十一日癸卯嗣

天子臣某敢昭告于昊天上帝顧惟寡昧不克明道丕

膺眷命俾作神主

書眷求一德俾作神主詩百神爾主矣

常恐獲戾上下

而播災於人兢兢業業夙夜祇畏居位五祀德馨茂聞

皇靈不歆是用大儆殷憂播蕩踰歷三時誠懼烈祖之

耿光

書以觀文王之耿光

墜而不耀側身思咎庶補將來上帝顧

懷誘衷悔禍勦兇慝之凌暴雪人神之憤耻舊物不改

神心載新茲乃九廟遺休兆人介福以臣之責其何解

焉開屬寇虞久稽告謝今近郊甫定按周禮載師有近郊遠郊之文杜子

春注云五十里為近郊百里為遠郊長至在辰禮記郊特牲郊之祭也迎

日之至謂冬至陽之始日漸長故冬至郊天所以迎長

日之至也通典景雲元年十一月十三日乙丑冬至祀

圓止時陰陽人虛雅侯藝等奏請祀冬至就十二日甲

子以為吉會右臺侍御史唐紹奏曰禮所以冬至祭圜

于南郊夏至祭方澤于北郊者以其日行纏次極于

南北之際也日北極當晷度循半日南極當晷度環周

是日一陽爻生為天地交際之始故易曰復見天地之

心乎即冬至卦象也一歲之內吉莫大焉甲子但為六

句之首一年之內隔月常遇既非大會晷運未周唯總

六甲之辰助四時而成歲今欲避環周以取甲子是背

大吉而就小吉謹以玉帛犧牲粢盛庶品書泰誓犧牲
也竟依紹議
日粢在
器曰盛
冀憑禪燎式薦至誠太祖景皇帝配神作主尚

饗唐宗室世系表太祖景皇帝虎字文彬後周柱國大將軍唐國襄公通鑑武德元年六月己卯祔四親廟

主追尊皇高祖瀛州府君曰宣簡公皇曾祖司空曰懿王皇祖景王曰景皇帝祖妣曰景烈皇后廟號太祖皇

考元王曰元皇帝廟號世祖妣后獨孤氏曰元皇后妃寶氏曰穆皇后每歲祀昊天上帝皇地祇神州地祇以

景帝配感生帝明堂以元帝配

告謝元宗廟文舊唐書元宗紀元宗皇帝諱隆基睿宗第三子也

維貞元元年歲次乙丑十一月癸巳朔十一日癸卯孝

曾孫嗣皇帝臣某敢昭告于皇曾祖考元宗至道大聖

大明孝皇帝通鑑音注此謚祖妣元獻皇后楊氏唐書

列傳元宗元獻皇后楊氏華州華陰人生肅宗至德二載太上皇自蜀詔有司共議尊稱遂上册謚寶應末祔

秦陵秦臣猥承聖緒獲主大器懼德不嗣靡所安寧任重道

悠竟貽顛越京闕變生神人無依臣懷永圖書惟懷不

敢自棄忍耻含憤迫于載遷戴天履地俯仰慚惕率賴

烈祖遺澤感深于人人心攸歸天意允若肆予小子憑

宗廟之積慶再復于鎬京在臣愆尤曷云有補豈敢自

蔽以重于厥辜頃以寇孽在郊禮物未備久稽告謝伏

積兢惶今祇見闕宮詩魯頌闕宮有血簿闕閉也先妣

子曰是祿宮也箋云闕神也姜嫄神所依故廟曰神宮引慝請罪謹以一元柔毛

剛鬣明粢薌合薌其嘉蔬禮凡祭宗廟之禮牛曰一元大武豕曰剛鬣羊曰柔毛

黍曰薊合梁曰薊其稷曰明黍稍醴齊周禮天官酒正曰嘉蔬注號牲物各異於人用也醴齊辨五齊之名二曰醴齊注醴猶體也成而因特備物通典太廟九室用萍汁相將如今恬酒矣籩豆各十二籩實以石塩乾魚乾棗栗黃榛子人菱人芡人鹿脯白餅黑餅糗餌粉養豆實非俎醢醢菁俎鹿醢芹俎笋俎魚醢脾析蕝豚胎節食糝食簋簋各二簋實稻粱飯簋實黍稷飯甄鉶俎各三甄實大羹鉶實肉羹凡神祀之物當時所無者則虔奉嚴禋尚饗以時物代之

告謝肅宗廟文

唐書肅宗紀肅宗文明武德大聖大宣孝皇帝諱亨元宗第三子也

繼貞元元年歲次乙丑十一月癸巳朔十一日癸卯孝

孫嗣皇帝臣某敢昭告于皇祖考肅宗文明武德大聖

大宣皇帝皇祖妣章敬皇后吳氏

唐書后妃列傳肅宗章敬皇后吳氏濮州

漢陽人生代宗年十八薨代宗卽位羣臣請臣嗣服先
少后祔肅宗廟乃追爲皇后上謚合葬建陵
業不克負荷人流于下事失其中姦魁乘釁作亂京邑
播遷之咎臣實自貽震驚宗祧曠時乏祀外憂內愧若
墜深泉勵已誓心期刷大耻實賴聖祖中興之業全育
兆人澤深慶遠流福裔嗣故上天悔禍羣孽就誅非臣
寡昧所能纘服今祇率百辟見於廟廷謹以一元大武
柔毛剛鬣明粢薌苾嘉薦嘉蔬醴齊備物潔誠聿申告
謝尚饗

告謝代宗廟文

通鑑音注代宗初名俶後改名豫肅宗長子也登遐之後議上廟號

自世宗避太宗
諱改曰代宗

維貞元元年歲次乙丑十一月癸巳朔十一日癸卯孝
子嗣皇帝臣敢昭告於皇考代宗睿文孝皇帝伏惟元
德廣運重光盛業武平多難仁育羣生謂臣克堪付以
大寶易聖人之
大寶曰位臣自底不類再罹播遷宗祧乏享億兆
靡依下辜人心上負先顧敢愛隕越苟全眇身大懼社
稷隳危以憎九廟之愧由是忍耻誓志庶補前羞列聖
在天鑒臣精懇敷錫不祐俾之纘承兇渠殄夷都邑如
舊茲臣獲執犧牲珪幣載見於廟廷感慕慚惶若罔攸

曆謹以云云陳誠待罪式奉嚴禋尚饗

祭大禹廟文

維貞元元年某月某日皇帝遣某官以牢醴之奠敬祭

於大禹之靈惟王德配乾坤智侔造化拯萬類於昏墊

畫益稷下分九州於洪波經啟之功左傳虞人之箴曰

民昏墊於今是賴巍巍蕩蕩無得而名顧以眇身辱承

大寶時則異於今古道寧閒於幽明雖依聖垂休諒非

可繼而勤人勵已竊有所希迨茲八年理道猶昧沴氣

鬱結使信哀江南賦降為凶災邦無宿儲野有餓殍上愧

賦沴氣朝浮

明哲下慚生靈夙夜憂惕如蹈泉谷所資漕運用拯困

窮底柱之閒

禹貢導河東至流包山而過山

底柱傳底柱山名河水分見水中若柱然在西號之

界一統志砥柱在河南府陝

州城東四十里黃河中禹

貢導河東至于砥柱即此石

形似柱故名山有三門禹

鑿以通河南曰鬼門中曰神

門

北曰人門故謂之三門集津

門河流迅激舟楫所歷罕

能獲全

唐書食貨志初江淮

漕租米至東都輸含嘉倉

之患其失常十七八故其率

一斛得八斗為成勞而陸

運至陝纔三百里率兩斛計

庸錢千民送租者皆有水

陸之直而河有三門底柱之

險顯慶元年苑西監楮朗

議鑿三門山為梁可通陸運

乃發卒六千鑿之功不成

其後將作大匠楊務廉又鑿

為棧以輓漕舟輓夫繫二

輒于胷而繩多絕輓夫輒墜

死則以逃亡報因繫其父

母妻子人以為苦又汴宋節

度使春夏遣官監汴水察

盜灌溉者歲漕經底柱覆者

幾半河中有山號米堆運

舟入三門雇平陸人為門匠執標指麾一舟爰命王徒
百日乃能上諺曰古無門匠墓謂皆溺死也

鑿山開道

唐書食貨志陝虢觀察使李泌益鑿集津倉山西逕為運道屬于三門倉治上路以回空

車費錢五萬緡下路減半又為入渭船方五板輪
東渭橋太倉米至凡百三十萬石遂罷南路陸運避險

從易涉安代危嗷嗷烝人俟此求濟仰祈幽贊以集丕

功享於克誠庶答精意

策問賢良方正能直言極諫科

通鑑音注此所謂制舉也時詔應天

下諸色人中不限前資見任職官黃衣草澤並

許應詔文獻通考貞元元年九月賢良方正能

直言極諫科韋執誼鄭利用穆質楊鄴裴復柳

公綽歸登李直方崔邠鄭敬魏宏簡沈迴元佑

徐袞及第博通墳典達于教化科熊執易劉

簡甫及第識洞韜畧堪任將帥科許贄及第

皇帝若曰蓋聞上古至道之君垂拱無為

書垂拱而天下治禮記疏

拱沓手也身俯則

以臨海內

不理而人化不勞而事成

星辰軌道

史記天官書注謂循軌道不邪逆也

風雨時若邈乎其不可繼

何施而臻此歟三代以來制作滋廣異文質之變

通白虎

者必一質一文何以承天地

順陰陽陽之道極則陰道

受陰之道極則陽道受明二

陰二陽不能相繼也質法

天文法地而已故天為質地

受而化之養而成之故為

文尚書大傳曰王者一質一文

據天地之道禮三正記

曰質法天

明利害之鄉威之

以刑道之以禮敦其俗而

文法地也

彌薄防其人而益偷豈澆淳必繫於時耶何聖賢闢生

而莫之振也朕祇膺累聖之業猥居兆人之上乾居克

勵如恐失墜憂濟庶務夕惕晨興永惟前王之典謨是

憲是則師大禹以崇儉法高宗以求賢

見商書說命又史記殷本紀武

丁夜夢得聖人名曰說以夢所見視羣臣百吏皆非也

于是廼使百工營求之野得說于傅險中是時說為胥

靡築于傅險見于武丁武丁曰是也得興夏啟之征見

而與之語果聖人舉以為相殷國大治

書甘誓又路史有扈氏不恭威侮五行怠棄三正啟乃

以齊車載遷廟之主以行召六師而誓與有扈大戰于

甘不勝六卿請伐之救曰不可吾地非淺民非寡也今

茲不勝是吾德薄而教不善也于是班師琴瑟弗張鐘

鼓弗考不因席不仍味親親長長尊作周文之罰見詩

賢委能隱神期月而有扈服遂滅之

又史記周本紀虞芮之人有獄不能決乃如周入界俱

讓而去諸侯聞之曰西伯蓋受命之君明年伐犬戎明

年伐密須明年敗耆國明年伐

邦明年伐崇侯虎而作豐邑 旌孝弟舉直言養高年

敦本業平均徭稅黜陟幽明勵精孜孜勤亦至矣然而

浮靡不革理化不行暴亂不懲奸犯不息五教猶鬱書敬

敷五周禮地官大司徒令七臣未臻鄉黨廢尚齒之儀五家為比使之相保

五比為閭使之相受四閭為族使之相葬五族為黨使

之相救五黨為州使之相調五州為鄉使之相賓禮記

祭義有虞氏貴德而尚齒夏后氏貴爵而尚齒殷人貴

富而尚齒周人貴親而尚齒又居鄉以齒而老窮不遺

烝黎無安居之志賦入日減而私室愈貧廉察日增而

吏道愈濫意者朕不明歟何古今之事同而得失之效

異也思欲剗革前弊玉篇剗創立新規施之於事而易

從考之於今而有據備陳本末將舉而行無或憚煩畧

於條對自頃陰陽舛候稜沴頻興仍歲旱蝗稼穡不稔

上天作孽必有由然屢推凶災其咎安在傳曰時之不

又厥罰常錫前漢五行傳皇之不極是謂不建厥咎既

蠶之孽時則有馬禍時則有下人伐又曰堯湯水旱數

上之痾時則有日月亂行星辰逆行

之常也二者乖反其誰云從今人靡蓋藏月令孟冬命百官謹蓋藏

注府庫困倉國無廩積朕屢延卿士詢訪謨猷至乃減

冗食之徒罷不急之務既聞嘉語亦已遵行而停廢之

餘所費猶廣俟轉糧於江徼

按唐書食貨志唐漕運出江入汴由汴入河由河入

渭有砥柱三門之險天文志云河源自北紀之首循雍州北徼達華陰而與地絡相會並行而東至太行之曲

分而東流與涇渭濟瀆相為表裏謂之北河江源自南紀之首循梁州南徼達華陽而與地絡相會並行而東及荆山之陽分而東流與漢水淮瀆相為表裏謂之南河史記黥布傳分卒守徼乘塞又司馬相如傳南至犍犗為徼注徼塞也以木塞水為蠻夷界按則遠不及期徼疆竟也故關塞為徼江河之涯亦曰徼

將搜粟於關中則撓而無獲節軍食則功臣懷怨省吏員則多士靡歸中心浩然罔知攸濟子大夫前漢董仲舒傳注服

虔曰子男子之美號也蘊蓄才器通明今古副我虛求森然就列

匡朕之寡昧拯時之艱災畢志直言無有所隱

策問博通墳典達於教化科科注見上左昭十二年傳是能讀三墳五

典八索九邱注皆古書名疏周禮外史掌三皇五帝之書鄭云楚靈王所謂三墳五典

皇帝若曰朕承祖宗之鴻烈獲主神器

老子天下神器不可為也

大守重懼不克堪思與賢士大夫共康理道虛襟以符

側席以求而羣議紛然所見異指或牽古義而不變或

趨時會而不經依違以來七年於茲矣國制多缺朕甚

慙焉今子大夫博習墳典深明教化褒然充舉咸造於

庭其極思精心以喻朕之未悟仲尼敘禮樂刪詩書修

春秋廣易道六經之教所尚各殊

禮經解入其國其政可知也其為人也溫

柔敦厚詩教也疏通知遠書教也廣博易良樂教也潔靜精微易教也恭儉莊敬禮教也屬辭比事春秋教也

豈學者修行理當區別將聖人立意本異宗源施之於

時孰爲先後考之於道何者淺深差次等倫指明其義

夫知本乃能通於變學古所以行於今今之教人則異

於是工祝陳禮樂之器而不知其情生徒講禮樂之文

而不試以事欲人無惑其可得耶將革前非固有良術

堯舜率天下以義比屋可封漢書王莽傳唐虞桀紂率

天下以暴比屋可戮然則上之化下罔或不從而三仁

四凶較然自異有教無類豈虛言哉作樂移風聞諸昔

典樂記樂也者聖人之所樂也而可以善民心夫至雅

必淡至音希聲文侯列國之賢君猶曰則惟恐寐樂記

侯曰吾端冕而聽古樂則惟
恐卧聽鄭衛之音則不知倦
矧彼流俗其能化乎將使

天地同和樂記大樂與天地同和
災沴不作黎人不變姦慝不萌

書司寇掌邦禁何施何為以致于此王者制理必因其
詰姦慝刑暴亂

時故忠敬質文更變迭救白虎通王者設三教者何承
衰救弊欲民反正道也三正

之有失故立三教以相指受夏人之王教以忠其失野
救野之失莫如敬殷人之王教以敬其失鬼救鬼之失

莫如文周人之王教以文
其失薄救薄之失莫如忠
三代之際莫不由之自秦刻

古法漢雜霸道帝王世紀高祖之取天下也遭秦暴亂
不階尺寸之資不摧將相之柄發迹泗

亭奮其智謀銜勒英雄鞭驅天下或以德致或以易成
事以權斷順逆不常霸王之道雜焉是以居帝王之位

而無一定之制三代
紛淪千祀王教不興國家接周隋
之美固莫能及矣

之餘俗未淳一處都邑者巧利而無耻服田畝者樸野

而近愚尚文則彌長其澆風復質又莫救其鄙俗立教

之本將安所從自昔哲王惟以三正互用百虎通正朔有三何本天

有三統謂三微之月也明王者當奉順而成之故受命各統一正也禮三正記曰正朔三而改文質再而復也

三微者何謂也陽氣始施黃泉萬物動微而未著也十一月之時陽氣始養根株黃泉之下萬物皆赤赤者盛

陽之氣也故周為天正色尚赤也十二月之時萬物始

芽而白白陰氣故殷為地正色尚白也十三月之時萬

物始達孚甲而出皆黑人得加功故夏為人正色尚黑也尚書大傳曰夏以孟春月為正殷以季冬月為正周

以仲冬月為正三正之相承若順連環也後之術士乃言五運相生以漢應
火行則周為木德禮稱尚赤通鑑音注所謂終始五德之運者伏羲以木德王木

生火故神農以火德王火生土故黃帝以土德王土生
 金故少昊以金德王金生水故顓頊以水德王水生木
 故帝嚳以木德王木又生火故帝堯以火德王火又生
 土故帝舜以土德王土又生金故夏以金德王金又生
 水故商以水德王水又生木故周以木德王此五德之
 終而復始也鄒衍以為周得火德蓋以火流王屋為周
 受命之符且服色尚赤義例頗乖永言于茲莫識厥理
 故也禮檀弓周人尚赤

九流得失之論按史記太史公自序論六家之要旨陰陽一也儒二也墨三名四也法五也

道德六也班固踵之作漢書藝文志序六藝為九種儒
 家者流一也道家者流二也陰陽家者流三也法家者
 流四也名家者流五也墨家者流六也縱橫家者流
 七也雜家者流八也農家者流九也皆互論其得失歷

代興亡之由王鄭識理之異同後漢書鄭元傳鄭元字康成北海高密人答弟

子問五經依論語作鄭志八篇凡所注周易尚書毛詩
 儀禮禮記論語孝經尚書大傳中候乾象歷又著天文

七政論魯禮禘祫義六藝論毛詩譜駁許慎五經異義
 答臨孝存周禮難凡百餘萬言元質于辭訓人頗幾其
 繁至于洽熟稱為純儒齊魯閒宗之魏志王肅傳肅字
 子雍初肅善為賈馬之學而不好鄭氏採會同異為尚
 書詩論語三禮左氏解及揆定父朗所作易傳皆列于
 學官其所論駁朝廷典制郊祀宗廟喪祭輕重凡百餘
 篇時樂安孫叔然受學鄭元之門人稱東州大儒肅集
 聖證論以譏短元叔然駁而釋之及作周易春秋例毛
 詩禮記春秋三傳國語爾雅諸注又著書十餘篇
 河休好公羊學遂著公羊墨守左氏膏肓穀梁廢疾元
 乃發墨守鍼膏肓起廢疾休見而歎曰康成入吾室探
 吾牙以伐我乎魏畧嚴漢善于公羊春秋時司隸
 鍾繇不好而尤以左氏為大官厨公羊為賣餅家必精

必究用沃虛懷

策問識洞韜畧堪任將帥科

皇帝若曰朕遐觀典謨詳求理道三代之際粲然可徵

未嘗不文武並興孔融書文武並用成久長之計農戰兼務故能居則

足食動則足兵兵足則威食足則固威則暴亂息固則

教化行理國之本實在於此秦漢已降王制不脩選士

廢射御之儀禮王制司徒命鄉論秀士升之司徒曰選士司徒論選士之秀者而升之學曰俊士

又射義古者天子之制諸侯歲獻貢士於天子天子識

之於射宮其容體比於禮其節比於樂而中多者得與

於祭其容體不比于禮其節不比於樂而中少者不得

與於祭周禮大司徒以鄉三物教萬民而賓興之三日

六藝禮樂射御書數注射五射之法御五御之節疏五射者先鄭云白矢參連剡注襄尺并儀五御者先鄭云鳴和鑾逐水曲過君表舞交衢逐禽左教人無蒐狩之禮周禮大司馬中春教振旅遂以

蒐田仲夏教芟舍遂以苗田仲秋教治兵遂以獮田仲

冬教大閱遂以狩田注兵者守國之備孔子曰以不教

民戰是謂棄之兵者凶事不可空設因蒐狩而習之凡

師出曰治兵入曰振旅皆習戰也四時各教民以其一

焉左隱五年傳春蒐夏苗秋獮冬狩皆於農隙以講事

也注蒐索擇取不孕者苗為苗除害也獮殺也以殺為

名順秋氣也狩圍也冬物即戎者不知其稼穡力本者

畢成獲則取之無所擇也

罕習於干戈於是異文武之人分農戰之道守則乏食

征則鮮兵歷茲千年竟莫能復抑知者蓋寡將行之惟

艱歟朕念之甚勤思繼前躅良以軍旅之事役成靡寧

勳庸既多爵秩咸貴俾服田畝慮興怨咨仰給縣官

吏記

平準書衣食皆給縣官又絳侯世家注張晏曰不敢指

斥天子故稱縣官索隱曰所以謂國家為縣官者夏家

十

王畿內縣卽國都也王不可勝計由是版圖日減阡陌

者官天下故曰縣官也歲荒史記秦本紀衛鞅為田開阡陌索隱曰風俗通曰南北曰阡東西曰陌河東以東西為阡南北為陌

水旱小愆廩餉咸竭欲使軍人悅歸於耜耒儒者兼達

於韜鈴田萊盡耕攻取必勝誘人孔易其術安施王者

之師本於立德兵家之法方務出奇綱目集覽太史公曰兵以正合以奇

勝善之者出奇無窮魏武帝曰先出合戰為正後出為

奇正音當敵奇兵擊其不備風后因黃帝兵法以乾坤

艮巽四陣為天地風雷四正以水火金木四陣為龍虎

鳥蛇四奇或以奇為正或以正為奇奇正還相生如環

之無端不可終窮也唐李靖為十二將兵曰四奇曰入

正以步人為正軍馬為奇四奇取廩於大將八正取廩

於四奇奇常居前卒然遇敵則德以信成奇以詐勝理

觸處為首因敵變化循環無窮

有違反將何適從宋襄成列而敗軍見嘉魯策

公羊傳宋公與

楚人期戰于泖之陽楚人濟泖而來有司曰請迨其未
畢濟而擊之宋公曰不可吾聞之也君子不厄人吾雖
喪國之餘寡人不忍行也既濟未畢陳有司復曰請迨
其未畢陳而擊之宋公曰不可吾聞之也君子不鼓不
成列已陳然後襄公鼓之宋師大敗故君子大其不鼓
不成列臨大事而不忘大禮有君而無臣以為雖文王
之戰亦不過此也

韓信決囊以摧敵取貴漢朝

前漢韓信傳楚使龍且將燕

二十萬救齊齊王龍且并軍與信戰未合或說龍且曰
漢兵遠鬪窮寇戰鋒不可當也不如深壁令齊王使其
信臣招所亡城城聞王在楚來救必反漢漢二千里客
居齊齊城皆反之其勢無所得食可毋戰而降也龍且
曰吾平生知韓信為人易與耳遂戰與信夾濰水陳信
乃夜令人為萬餘囊盛沙以壅水上流引兵半渡擊龍
且陽不勝還走龍且果喜曰固知信怯遂追度水信使
決壅囊水大至龍且軍大半不得度即急擊殺龍且

然則喪國亡身豈霸王之道冒危乘厄非仁誼之心所

宜討論以定褒貶夫衆寡不敵克必以謀樂生下齊史記

樂毅傳燕昭王使樂毅約趙惠文王別使連楚魏令趙

嚼秦以伐齊之利諸侯皆爭合從與燕伐齊昭王悉起

兵使樂毅爲上將軍樂毅于是並護趙楚韓魏燕之兵

以伐齊破之濟西諸侯兵罷歸而燕軍樂毅獨追至於

臨淄盡取齊寶財孫子破楚史記孫武傳孫子武者齊

物祭器輸之燕孫子破楚人也以兵法見於吳王闔

廬闔廬出宮中美人得百八十人孫子分爲二隊以王

之寵姬二人各爲隊長皆令持戟令之曰汝知而心與

左右手背乎婦人曰知之孫子曰前則視心左視左手

右視右手後卽視背婦人曰諾約束既布乃設鉄鉞卽

三令五申之於是鼓之右婦人大笑孫子曰約束不明

申令不熟將之罪也復三令五申而鼓之左婦人復大

笑孫子曰約束不明申令不熟將之罪也既已明而不

如法者吏士之罪也乃欲斬左右隊長吳王從臺上觀

見且斬愛姬大駭趣使使下令曰寡人已知將軍能用
兵矣寡人非此二姬食不甘味願勿斬也孫子曰臣既
已受命為將將在軍君命有所不受遂斬隊長二人以
狗用其次為隊長於是復鼓之婦人左右前後跪起皆
中規矩繩墨無敢出聲於是闔廬知孫子能用兵卒以
為將西破彊楚入郢北威齊晉顯名諸侯孫子與有力
焉

魏武之勝袁紹

後漢袁紹傳紹壁延津南曹操擊破
之軍中大震操還屯官渡紹進保陽

武沮授說紹曰北兵雖衆而勁果不及南軍南軍穀少
而資儲不如北南幸于急戰北利在緩師宜徐持久曠
以日月紹不從遂合戰操軍不利復還堅壁紹為地道
欲襲操輒於內為長塹以拒之又遣奇兵襲紹運軍
大破之盡焚其穀食相持百餘日紹遣淳于瓊等將兵
萬餘人北迎糧運沮授說紹可遣蔣奇別為支軍於表
以絕曹操之鈔紹不從許攸進曰曹操兵少而悉師拒
我許下餘守勢必空弱若分遣輕軍星行掩襲許拔則
操為成禽如其未潰可令首尾奔命破之必也紹又不
能用攸不得志遂奔曹操而說使襲取淳于瓊等瓊等

時宿在烏巢去紹軍四十里操自將步騎五千人夜往攻破瓊等悉斬之于是紹軍大潰宋高之滅

姚泖晉書姚泖載記劉裕總大軍伐泖次于彭城遣冠軍將軍檀道濟龍驤將軍王鎮惡入自淮肥攻漆

邱項城將軍沈林子自汴入河攻倉垣王師遂入潁口所至多降服道濟自陝北渡攻蒲坂沈林子說道濟曰

今蒲坂城堅池濬非可卒尅不如先事潼關潼關天限形勝之地如尅潼關紹可不戰而服道濟從之乃棄蒲

坂南向潼關姚紹遣左長史姚洽及姚墨蠡等率騎三千屯于河北之九原欲絕道濟諸縣租輸沈林子率衆

八千要洽於河上洽戰死衆皆沒劉裕次于陝城遣沈林子率精兵萬餘越山開道會沈田子等于青泥泖使

姚裕率步騎八千距之泖船將大衆繼發裕爲田子所敗泖退次于灞上關中郡縣多潛通于王師劉裕至潼

關鎮惡水陸兼進泖計無所出將妻子詣壘門而降成敗之由備陳本末古人有

言曰誅伐不可偃於天下前漢刑法志古人有言天生五材民並川之廢一不可誰

能去兵鞭什不可弛於家刑罰不可廢於國征伐不可偃於天下

又曰善為國者不師

二端異焉其有深旨子房序次兵法任宏論撰軍書

漢簡

藝文志漢興張良韓信序次兵法凡百八十二家刪取

要用定著三十五家諸呂用事而盜取之武帝時軍政

揚僕摺摭遺逸紀奏兵錄猶未能備至於孝成命任宏

論次兵書為四種兵權謀十三家二百五十九篇兵形

勢十一家九十二篇圖十八卷陰陽十六家二百四十

九篇兵技巧十三家百九十九篇凡兵書五十三家七

百九十篇圖

四十三卷 指明異同詳錄名氏想聞商畧擇善而行

答宰臣請停大禮表

周禮大宗伯凡祀大神享大

鬼祭大示帥執事而卜日宿

眠滌濯滄玉鬯省牲釐奉玉齋詔大號治其大

禮詔相王之大禮樂記大樂與天地同和大禮

與天地同節和故百物不失節故祀天祭地明
則有禮樂幽則有鬼神如此則四海之內合敬

同愛矣蔡邕獨斷凡羣臣上書通于天子者有四名一曰章二曰奏三曰表四曰駁議表者不
需頭上言臣某言下言臣某誠惶誠恐頓首頓首死罪死罪左方下附曰某官某臣甲上

朕失德致寇再經播越郊廟乏主禋祀曠時感憤積中
憂愧形外日月以冀庶補前修賴天地降休祖宗儲慶
再新景命祇復皇都自秋涉冬已遷於律候因心致享
未展於孝思而公卿上言邀予以備物都鄙興誦諷予
以勞人禮將俟於他年卜不先於近日永懷感慕情實
未安雖則嘉話重違其如至誠難抑所宜叅會羣彥更
擇近期無或因循以增不德

答百寮請停大禮表

爾雅寮官也注同官為寮書百寮師師謹按僚與寮同

朕再經播遷久曠禋祀不惟霜露之感實貽墜失之憂

賴先澤在人上帝臨我克平大難再復舊京朕之失德

非曰能補旋欲請罪宗廟展敬郊

止唐書禮樂志郊止諸祠常以高祖太

宗高宗並配

追以羣情俟於獻歲今滌牲撰吉甫及近期齋

心永懷明發不寐忽覽來表良深矍然雖嘉備慮之誠

竇乖昭事之意

詩昭事上帝聿懷多福

朕志先定期於必行即斷

來表也

答第二表

國之大事首在祀典

禮記非此族也不在祀典

所宜嚴奉以達至誠

況今之所懷又異常日不克嗣守馴至寇戎淪陷國都

震驚園寢

唐六典凡朔望元正冬至寒食皆修享於諸陵若橋陵則日獻羞焉

幸憑元祐

再續鴻休播越三時久虧禋祀之禮旋歸半歲未申告

謝之誠感愧積中若墜泉谷坐而待曙跂及上春庶乎

天地靈祇

東征賦庶靈祇之鑒照兮祗貞良而輔信

以歆精意胡乃股肱卿

士尚執疑謀出既不及告辭入又廢於朝獻

周禮春官司尊彝其

朝獻用兩壺尊沈括筆談按唐故事凡有事于上帝則百神皆預遣使祭告唯太清宮太廟則皇帝親行其冊

祝皆曰取某月某日有事於某所不敢不告宮廟謂之奏告餘皆謂之祭告唯有事於南郊方為正祠至天寶

九載乃下詔曰告者上告下之詞今後太清宮歲稱朝
獻太廟稱朝饗自此遂失奏告之名冊文皆謂正祠

罔極之慕

詩欲報之德
吳天罔極

何心自安宜潔乃誠以祇所奉

副予懇切勿復頻煩

答第三表

三省來表深體乃誠明孝敬之大端陳安危之上計祇

率嘉話夫豈不懷永言思之固亦難抑進退慙惕罔知

所裁中宵求衣當饋忘食且聿修祀事所貴專精苟未

至誠則如勿祭今近期甫及當齋潔敬之心而輿誦紛

然猶執異同之論禮既虧於嚴奉事奚展於孝思

詩永言壽

思孝思
維則
以義制心勉依來請重予不德愧歎良深

答百寮賀利州

唐書地理志利州益昌郡屬山南道

連理木表

藝文類聚

瑞應圖曰木連理王者德化洽八方合為一家則木連理一本曰不失小民心則生孝經援神契曰德至於草木則木連理晉中興徵祥說曰連理者仁木也或異枝還合或兩樹共合唐六典凡大祥瑞隨即表奏文武百寮詣闕奉賀其他並年終具表以聞有司告廟百寮詣闕奉賀又儀制令大瑞即隨表奏聞中瑞下瑞申報有司元日聞奏

珍木呈祥允符靈貺

北史王劭傳靈貺休祥理無虛發

顧惟不德何以

當之朕聞人事聿修天休乃答今則兇渠尚在戎役方

殷虐旱妨農飛蝗害稼諒咎徵之未弭曷嘉瑞而復臻

通鑑音注按儀制令凡景是慶雲為太瑞其名物六十
有四白狼赤兔為上瑞其名物三十有八蒼鳥朱雁為
中瑞其名物三十有二嘉禾芝草木連理為下瑞其名
物十四唐六典禮部郎中凡祥瑞應見皆辨其物名
所冀公卿大夫交匡不逮覩茲稱述益用懷慙

答宰臣請復御膳表

通鑑音注御膳尚食奉御所掌天子日供之常膳

嘗覽典謨每嘉儉德

書慎乃儉德惟懷永圖

愛人惜費是朕素懷

況大兵之餘繼以荒饉軍儲國計資用皆空凋戶疲疇

膏澤已竭致人于此過實在予內懷憂慚躬自損貶今

兇渠殘滅粟麥豐成皆祖宗垂休非寡薄所致矧乎邦

畿之內餒殍猶多役戍之徒傷夷未復

顏延之文勉傷慰夷拊循飢渴

孜孜訓戒克已增修猶懼辱守寶圖罔答元祐豈宜暇
逸以厚厥躬卿等誠在致君將順其美顧惟虛缺非所
宜然

答百寮請復御膳表

頃者大勞不息至化未孚雨澤愆期蠱蝗爲害朕以銷
災謝譴莫大於修誠節用愛人必先於克已顧慚愆咎
躬貶膳羞下以均衆庶之憂上以答昊穹之儆至誠或
感嘉應遂臻宿麥方成元兇已殄慶深德薄惕厲彌加
忽覽表章過爲稱述雖將順其美則曰乃誠

孝經君子
之事上也

將順其美
匡救其惡
而戒慎不忘諒惟
朕志未喻來請深體此懷